

## Meje Po Carte Copiya Tatina Pablo Corinto Tomarapiwi Tatinatsi

*Meje poxonae Pablo tatina Corinto tomarapiwi*

<sup>1</sup> Xan, Pablon, pacata tinatsi Nacom peichichipaexae xua tana newabiwa xua tana neexanaewa Jesucristo pia peitorobi jiwi jiwana tatsin. Irano Sóstenes pon iru pejume cowantsin Jesucristo, baponbe panbe pacata tinatsi.

<sup>2</sup> Paxam pomonae painya nejume cowantsi jiwi pam Corinto tomaratha. Barapomonae pam pacata tinatsi pomonae Nacom piamonae tatsi pam painya neyawa jinompaexae Cristo Jesús. Nacom paca waba painya nenajuntu coyene wnae exanaenexa Nacomtha. Pacata tinatsi daxita nacuapiwi pam, pomonae iru painya nejume cowantsiwixae pam Jesucristo, xua pomonae painya newun ununeibiwi Jesús pewun poxonae pawuqueibame Nacomtha. Bapon Jesucristo Wanacanamateaxinaein iruru daxita nacuanthapiwi pomonae pejume cowantsiwi barapomonae pia Pecanamamateaxinaeinchi tatsi.

<sup>3</sup> Barabu Nacom Waxa, iru Jesucristo pon jiwi Pecanamamateaxinaein juntea jinompa paca exanaena. Matautano barabu baponbe paca yawenaena pia paca ncaantobewaxae.

*Meje poxonae Pablo tawuca Nacomtha Corinto tomarapiwi*

<sup>4</sup> Daxita matabi tsaibi Nacomtha pacata tsipaebeibatsi, jan tsaibin: “Nacom maisa juntu coyene weiweinan xua barapomona tana neyawenaewa xua Cristo Jesús peantobexae barapomonaetha”, jan tsaibin.

<sup>5</sup> Painya neyawa muxuna jinompaexae Cristo, daxota Nacom peayapusawa jopa juniya paca catsiyo xua xaniwaicha painya nepaebiwa pejume diwesi. Barapon Nacom paca cata po coyene beta yabara painya neyaputaewa bapon.

<sup>6</sup> Po diwesi paca tsipaebatsi Cristo yabara xua bapon paca cana exana painya nejinompaewa bapon nexa baxua anoxuae xaniwaicha paexanapona.

<sup>7</sup> Paxam paxeiname pocotsiwa Nacom pia Pejumope tñaxu tatsi paca cata, daxita xua pocotsiwan panantawenona xua betiya painya nejinompaewa tsane Nacom nexa. Daxita baxuan paxeina dubenanaebiyaename poxona cataunxuae pawnae ewatsiname xua poxonae Jesucristo po mataqueitha equeicha patopeicaena pon Wanacanamataxeinaein.

<sup>8</sup> Nacom paca yaweneibina xua paajuntusya jinompaename beya poxonae Jesucristo equeicha patopaetsica. Dapon xain aibi tsane pon paca yabara paeba xua painya nenatsicuentisiwa xua abe painya neexanaexae Nacomtha xua poxonae equeicha patopaetsica pon Wanacanamataxeinaein Jesucristo.

<sup>9</sup> Nacom bara ataya exaneiba pocotsiwa pia petisiwnae muxu dutsiwan. Barapon Nacom paca waba painya neyawa muxuna jinompaenexa tsane Jesucristo pon Wanacanamataxeinaein,

Nacom Pexanto tatsi.

*Meje poxonae Pablo yabara paeba po coyene pomonae pejume cowantsiwi Cristo xua natsaba nacana exana*

<sup>10</sup> Tamonae pam, paxam pomonae iru painya nejume cowantsiwixae Jesucristo. Jume daunweya paca tsipaebatsi tajuntu coyenetha tsipei daxita paxam Jesucristo piamonae tatsi pam pon Wanacanamataxeinaein. Caemonae pebraya cuita pacueicueijan tsurubenanaebiyama. Jopa pana najume matsontsonobinde xua daxota painya nenatsabiwam tsipae. Jame maisa pebraya pananta xeinare xua be bara caemonae pam.

<sup>11</sup> Tamonae pam, pomonae iru painya nejume cowantsiwixae Jesucristo. Daxota baxua paca tsipaebatsi, yaitama yabayo powa pewan Cloé piamonae tatsi netsipaeba pinae paxam nantiya pana najume matsontsonoba dubenanaebiyame.

<sup>12</sup> Jume tan xua paxam jiwana xua barompaya tsanaya paeba, jeye: “Pablo yabara jume cowantan pocotsiwa cuiduba”, jei. Ichamonae jeye: “Apolos yabara jume cowantan pocotsiwa cuiduba”, jei. Ichamonae jeye: “Pedro yabara jume cowantan pocotsiwa cuiduba”, jei. Ichamonae jeye: “Cristo yabara jume cowantan pocotsiwa cuiduba”, jei.

<sup>13</sup> Daxita paxam jopa bewa barapo coyene paexanaem xua ainyamonaein pana naexaname. Cristo jopa pia coutha nanantarubiya exanaeyo tsipei Cristo apara bara caein. Xan, Pablon, jopa apara paca tsitupaetsi naetotha. Jopa apara

paca bautisabichi tawantha xua daxota tamonaē painya nenaexanaenexam.

<sup>14</sup> ¡Pai jaibo! ¿Incane metha barichipaein? ¿Incane metha bautisabichipan? Daxota Nacom tsi-paeban janje: “Nacom maisa jantū coyene wei-weinan xua barapomonaē jopa tabautisabiwa”, jan. Saya meisa bautisaban Crispo irurū Gayo.

<sup>15</sup> Daxota dapon aibi pon itacūpatsi xua pejeiwa: “Xan nebautisaba Pablo pewantha”, xua pejeiwa.

<sup>16</sup> Jaina irurū Estéfanos piamonaē tatsi bautisaban. Ichitha ichamonaē jopa yabara nanta xeinaeinyo xua tabautisabiwa bayatha.

<sup>17</sup> Cristo jopa neitorobiyo xua tabautisabinexa jiwi. Jame saya Cristo neitoroba xua yabara tacue-icueijeinexa pecapanenebiyae diwesi. Ichitha jopa cueicueijanyo icha be ichi pon bichocono cueicueijei poxoru bichocono peyaputaexae. Ichi baxua exanaetsipan jiwi jopa yabara yaputaetsi-pae Jesucristo pia pecapanenebiyae diwesi xua poxonaē Cristo naetotha tsitūpa jiwi.

*Meje poxonaē Pablo yabara paeba xua Cristo xeina Nacom pia peyapusa<sub>wa</sub> tatsi xuano Nacom pia peyaputae coyenewano tatsi*

<sup>18</sup> Ichamonaē jopa beta yabara nanta xeinaeyo po diwesi xua Cristo petsitūpaewa naetotha jiwi. Barapomonaē yawa muxuna weraweracaena abe peexanaewan. Barapomonaē jopa pejume cowantsixae Jesucristo daxota nanta xeina xua barapo diwesi be tsita penamitacueinchi diwesi jumetsi. Ichitha ichamonaē beta yabara nanta xeina barapo diwesi. Barapomonaē Nacom capanenebiyaena abe pia peexanaē cuiru

coyenein tatsi weya. Barapomonae yaputane xua barapo diwesi bichocono peayapus̄ diwesi xua Nacom weya.

<sup>19</sup> Nacom Pejume Diwesitha baxua yabara paeba. Nacom jeye:

“Weraweraca exanaein peyaputae coyenewan,  
po  
peyaputae coyenewan xeina pomonae  
peyaputaewi.

Pecuidubi coyenewan beban tsane,  
po pecuidubi coyenewan xeina  
pomonae peyaputaewi”, jei Nacom.

<sup>20</sup> Pon xua peyaputaein ir̄ pon xua pecuidubin,  
ir̄ pon jume daunweya yabara cueicueije po  
nacuathe, barapomonae Nacom jopa tsita ainya  
cuichi. Nacom cui capona peyaputae coyenewan,  
po peyaputae coyenewan xeina pomonae peya-  
putae jiwi barapo cae pin nacuathe.

<sup>21</sup> Nacom xainyeya xeina peyaputae coyenewa.  
Nacom jopa copatsiyo jiwi xua peyaputaewatsi  
bapon, peyaputae coyenewatha po peyaputae  
coyenewa xeina pomonae jinompa barapo  
cae pin nacuathe. Jame Nacom ichichipa  
xua capanepa jiwi abe pia peexanae cuiru  
coyenein weya pejume cowantsixaetsi poxonae  
pacueicueijan Nacom Pejume Diwesi. Barapo  
diwesi ichamonae tsita penamitacueinchi  
diwesichi.

<sup>22</sup> Judiomonae ichichipa tane nawita Nacom  
pia pexeinya petsita it̄tsi coyenewan xua pe-  
jume cowantsinexa tsane Nacom Pejume Diwesi.  
Seicaya nama griegomonae yabara jeita nawita

barapo irathe pia peyaputae coyenewan xua pe-  
jume cowantsinexa tsane Nacom Pejume Diwesi.

<sup>23</sup> Ichitha paxan payabara cueicueijan Mesías  
pon naetotha tsitupa xua jiwi abe pia peexanae  
cuiru coyenein tatsi. Barapo diwesi judiomonae  
jopa be jume jejeyo poxoru tsita ajumbetsi.  
Seicaya nama pomonae jopa judiomonae naex-  
anaeyo tsita penamitacueinchi diwesichi barapo  
diwesi.

<sup>24</sup> Ichitha pomonae Nacom waba pomonae  
bara metha bequein judiomonae tsipae iruru  
pomonae metha bequein jopa judiomonae  
naexanaeyo tsipae barapomonae jame Jesucristo  
jume cowantatsi. Barapomonae nanta xeina xua  
Mesías xeina Nacom pia peayapusu coyenewa  
tatsi matautano xua Nacom pia peyaputae  
coyenewa tatsi xua jiwi pecapanenebiyaenexa  
tsainchi.

<sup>25</sup> Pocotsiwa jiwi tsita penamitacueinchi di-  
wesichi xua Nacom exana baxua apara bara  
jame Nacom bichocono tsita peyaputae coye-  
newatsi, beyacaincha po peyaputae coyenewa  
jiwi xeina barapo cae pin nacuathe. Matautano  
pocotsiwa jiwi jopa tsita peayapusutsi xua Na-  
com xeina baxua apara bara jame Nacom tsita  
peayapusu coyenewatsi bichocono, beyacaincha  
po peayapusu coyenewa jiwi xeina barapo cae pin  
nacuathe.

<sup>26</sup> Tamonae pam, paxam pomonae iru painya  
nejume cowantsiwixae Jesucristo. Paxam bewa  
pana nacayabara nanta xeinaem xua eta po jiwi  
pam xua poxona Nacom aena paca waba. Bapox-  
ona pananta xeiname xua saya paxam caey-

obe pam pomonae peyaputae jiwi pam. Barichi paxam saya caeyobe pam pomonae peyapusaaya itorobi jiwi pam. Matautano paxam saya caeyobe pam pomonae peainya cui jiwi pam.

<sup>27</sup> Nacom itapeta pomonae xua ichamonae yabara jeichi: “Barapomonae apara pomonae jopa peyaputae jiwi”, jei. Ichitha barapomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi, pomonae bichocono peyaputaewi. Barapomonae pomonae pia coutha peyaputaewi penaexanaewixae aura tsane, tsipei yaputaena xua pomonae Nacom pia peitapetsiwixae tatsi xaniwaicha barapomonae peyaputaewi. Matautano Nacom itapeta pomonae xua ichamonae yabara jeichi: “Apara barapomonae pomonae pejuntũ coyene faefaenaewi pejume cowantsiwatha”, jei. Ichitha barapomonae pomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi pomonae pia coutha penayabara nanta xeinaewa xua bichocono pexeinaewa peajuntũcoyenesuwa.

<sup>28</sup> Nacom itapeta pomonae barapo cae pin nacuathewiwi jiwana, pomonae pecui pawu jiwi xua piamonae peexanaenexa. Barapomonae pomonae ichamonae abe peyabara paebiwichi, matautano xuano pomonae ichamonae jopa petsita ainya cui jiwichi. Nacom itapeta pomonae jopa peainya cui jiwi xua penajume tsita itapeinya xeinaenexa xua Nacom jopa peitapetsiwa pomonae pia coutha penacayabara nanta xeinaewa xua peainya cui jiwi.

<sup>29</sup> Daxota dapon aibi pon peitacupaewatsi xua Nacom peitabaratha atsaquiya penayabara pae-biwa xua peainya cui jitonxae.

<sup>30</sup> Nacom paca exana xua painya neyawa jinompaewa Cristo Jesús pia peajuntayapusawa tatsi. Matautano Nacom naca exana xua xeinatsi Cristo Jesús pia peyaputae coyenewa tatsi wayaputaenexa Nacom. Matautano Cristo naca cana exana xua wajuntu coyene xanepanaewa xua jopa wanatsicuentsiwa xua abe waexanaexae Nacomtha. Matautano Cristo naca exana xua watanacuichinexa Nacom, bapon piamonaexae tatsichi. Nacom naca yantomata xua Jesucristo naca tsitapa naetotha wanaca capanenebiyaenexa abe waexanae cuiru coyenein weya.

<sup>31</sup> Daxota Nacom Pejume Diwesitha paeba jeye: “Jiwi jopa bewa pia coutha atsaquiya nayabara paebi xua peainya cui jiwixae. Bñ jame moya barapo jiwi bewa saya atsaquiya yabara paebina po coyene Nacom pia peainya cui coyenewa tatsi pon jiwi Pecanamataxeinaeinchi”, jei Nacom Pejume Diwesitha.

## 2

### *Meje xua Cristo petupaewa diwesi yabara*

<sup>1</sup> Tamonae pam, paxam pomonae iru painya ne-jume cowantsiwixae Jesucristo. Patopan painya xantha tapaca catsipaebinexatsi Nacom pia pex-ainyei diwesi jume. Bapoxonae jopa paca tsi-paebichi po diwesi ayapube xua tacueicueijiwa xua poxonae icha ichi xua paeba pon peyaputaein bichocono.



<sup>2</sup> Poxonae poponan painya xantha, saya meisa Jesucristo yabara nanta xeinan xua tapaca catsipaebinxatsi. Matautano yabara tapaca catsipaebinxatsi po coyene poxonae bapon naetotha tupa.

<sup>3</sup> Poxonae paxamtha naitutan nayabara nanta xeinan xua neita coxana xua beta tacueicueijejwa. Matautano tajunuwi unthuthu deideijan.

<sup>4</sup> Poxonae paca tsipaebatsi Nacom Pejume Diwesi jopa paca tsipaebichi po jumein ayapube xua icha ichi poxonae cueicueijej pon bichocono peyaputaein. Ichitha seicaya nama paca tsipaebatsi tana neitorobixae Nacom pia Pejumope tñaxu tatsi yawano Nacom pia peayapusu itorobi coyenewathano.

<sup>5</sup> Daxota poxonae pajume cowuntame Jesucristo apara poxoru jopa painya nejume cowuntsixae jiwi pia peyaputae coyenewa. Apra jame poxoru Nacom painya nepaca yawenaexae pia peayapusu itorobi coyenewatha daxota pajume cowuntame.

*Meje yabara xua Nacom naca yaputane exana pia Pejumope tñaxutha tatsi*

<sup>6</sup> Paxan pacueicueijan pomonaetha pomonae bichocono pejume cowuntsiwi Nacomtha xua Nacom pia peyaputae coyenewa tatsi. Nacom pia peyaputae coyenewa tatsi jopa apra barapocae pin nacuathe weya ponaeyo. Matautano jopa apra barapocoyene xua po coyene jopa ponaeyo pomonae piamonae itorobiya pecanamataxeinaewi weya. Pomonae anoxuae piamonae itorobiya pecanamataxeinaewi

werapaena, yawano weraweracaena pia peyaputae coyenewan tatsi.

<sup>7</sup> Po coyene xua paca tsipaebatsi apara Nacom pia peyaputae coyenewa tatsi. Barapo coyene caena bayatha Nacom namicha yawun xeina xua jiwi jopa yabara yaputaeyo beya anoxuae Nacom najume tsita itapeinya xeina. Caena bayatha pewnaeya poxonae Nacom nacua forotsina bapon nanta xeina xua naca capanepaena. Baxua apara Nacom pia peyaputae coyenewa tatsi xua matapainya naitata.

<sup>8</sup> Barapomonaе pomonaе piamonaе itorobiya pecanamataxeinaewi jopa yabara yaputaeyo Nacom pia peyaputae coyenewa tatsi. Icha metha barapomonaе yaputaetsipa metha jopa Jesucristo naetotha tupa exanaetsipaetsi, pon jiwi Pecanamataxeinaein, pon pexeinya peitupanae coicha pexeinaein.

<sup>9</sup> Nacom Pejume Diwesitha baxua yabara jeye: “Nacom bayatha jiwi tsiwunaeta po jiwi peantobewixaetsi pocotsiwan xua bichocono pewnaewan xua exana barapo jiwi nexa. Barapocotsiwan jiwi jopa yabara yaputaeyo, matautano jopa yabara jume taeyo. Matautano Nacom tsiwunaeta pocotsiwa xua jiwi jopa bapana yabara nanta xeinae jopa juniya pewnaexae”, jei Nacom Pejume Diwesitha.

<sup>10</sup> Nacom yabara naca yaputane exana baxuan pia Pejumope tūnaxūtha tatsi. Nacom pia Pejumope tūnaxū tatsi daxita yaputaeya necota pocotsiwa naca yaputane exana, beya yawa muxunano

naca yaputane exana pocotsiwa Nacom namicha yawan xeina.

<sup>11</sup> Jiton dapon aibi pon itacupatsi xua yaputane ichan pia pejuntu coyene tatsi. Saya jame meisa ichan itacupatsi xua pia coutha najuntu coyene yaputane. Bara juta ichi meisa Nacom pia Pejumope tñaxu tatsi yaputane xua Nacom pia pejuntu coyenewa tatsi.

<sup>12</sup> Nacom jopa naca copatsiyo xua bara wacoutha wayaputaewa tsane xua be pocotsi coyene Nacom pia penanta xeinaewa tsane. Apará jame seicaya naca cata pia Pejumope tñaxu tatsi, wanaca yaputane exanaenexa xua pocotsiwan yabara Nacom wanaca catsiwa wanaca antobexae.

<sup>13</sup> Waxainchi diwesi cueicueijeichi pomonaetha pomonae Nacom pejume cowñntsiwi po coyenetha Nacom pia Pejumope tñaxu tatsi naca yaputane exana. Jopa apara barapo diwesiñ cueicueijeichi xua saya barapo cae pin nacuathepiwi pia coyenetha tatsi xua saya ba wacoutha wananta xeinaewa. Daxota yabara paebatsi pocotsiwan xua Nacom pia Pejumope tñaxu tatsi ichichipa paeba pomonaetha pomonae Jesús pejume cowñntsiwichixaetsi. Barapomonae yaputane barapocotsiwan.

<sup>14</sup> Nama pon jopa pejume cowñntsin Jesús jopa yaputaeyo pocotsiwan wacueicueijeíwa, pocotsiwan Nacom pia Pejumope tñaxu tatsi naca yaputane exana. Tsipei bapon tsita penamitacueinchi jumetsi. Bapon jopa yaputaeyo barapo diwesiñ tsipei jopa xeinaeyo Nacom pia Pejumope

tɨnaxɨ tatsi xua peyawenaenexatsi xua peyaputaewanexa.

<sup>15</sup> Jame pon pejume cowɨntsin Nacom, bapon yawenatsi Nacom pia Pejumope tɨnaxɨ tatsi xua yabara peyaputaewa daxitan. Ichamonae jopa itacɨpaetsi xua bapon peyabara paebiwatsi xua penatsicuentisiwa xua abe peexanaexae.

<sup>16</sup> Nacom Pejume Diwesitha barapo coyene yabara jeye: “¿Jintam yaputane Nacom pia penanta xeinaewa tatsi xua pecuidubinexa tsane Nacomtha pon jiwi Pecanamataxeinaein? Jume apara, apara dapon aibi”, jei Nacom Pejume Diwesitha. Waxainchi nanta xeinatsi icha be pocotsi coyeneya Cristo ichi xua penanta xeinaewa.

### 3

*Meje xua Pablo yabara paeba pomonae penabarɨ nacuichiwi Nacom nexa*

<sup>1</sup> Tamonae pam, paxam pomonae irɨ painya nejume cowɨntsiwixae Jesucristo. Jopa neitacɨpaeyo xua tapaca catsipaebiwa tsainchi icha bichocono pajume cowɨntame Nacomtha icha be pocotsi jiwimonae ichi pomonae bichocono jume cowɨnta Nacom. Ichitha daxota paca tsipaebatsi tsipei paxam be barapocotsi jiwimonae pam pomonae jopa bichocono Nacom yabara yaputaetsi. Paxam paca tsipaebatsi be pexui pam xua aena pajume cowɨntame Cristo.

<sup>2</sup> Pocotsi coyene xua ayapube jopa paca cuidubichi, icha be coxiwa ichi xua poxonae apata mito pexuyo poxonae cataunxuae jopa yaputaeyo xua xane pexaewa. Cataunxuae jopa neitacɨpaeyo

xua tapaca cuidubinexatsi po diwesi bichocono daunwei poxoru awiya jopa payaputaem. Paxam be barapocotsi pexui pam xua po pexui cataunxuae jopa itacupaetsi xua pewito pexaewa.

<sup>3</sup> Paxam cataunxuae painompame icha be ichi poxonae jinompa pomonae jopa pejume cowantsiwi Nacom. Poxonae paxam nantiya pana nauwa dubenanaebiyame, yawa nantiya pana naba dubenanaebiyame, painompame icha be ichi xua jinompa xuano abe exana dubenanaebiya pomonae jopa pejume cowantsiwi Nacom.

<sup>4</sup> Ichamonae pomonae paxam jiwana pam, jeye: “Pablo yabara jume cowantan pocotsiwa cuiduba”, jei. Ichun jeye: “Apolos yabara jume cowantan pocotsiwa cuiduba”, jei. Poxonae pa-paebame baxua bapoxonae bara pajinompame icha jiwi ichi poxonae jinompa pomonae jopa pejume cowantsiwi Nacom.

<sup>5</sup> Daxota paca tsipaebatsi: Xan Pablo jopa taainya cui jiton, barichiru Apolos. Apara pax-anbe saya ponbe amanaya pata tanacuichinbe Nacom. Nacom Apolos pana neitorobabe xua pata cueicueijeinexabe Nacom Pejume Diwesi. Apolos baxua pata exanaexaebe daxota pajume cowantame Jesucristo pon jiwi Pecanamataxeinaein.

<sup>6</sup> Xan Pablon paca cuidubatsi Nacom Pejume Diwesi. Apolos xuya equeicha ichawa paca cuiduba Nacom yabara. Ichitha nama Nacom apara bapon, pon paca yawena xua painya nejume cowantaponaenexa. Barapo coyene icha be nae ichi xua pexbi nae. Ichun ubanota. Ichun mera

mata epababapona. Ichitha nama Nacom, apara bapon, pon exana xua xaniwaicha xuwa.

<sup>7</sup> Ichun copiya uba iru ichun xuya mata epababa meratha. Pon peubixae jopa ainya cui jitonyo. Iru pon xuya pemata epababaponaexae meratha, bapon jopa ainya cui jitonyo. Jame saya meisa Nacom ainya cui, tsipei Nacom daxita xuwa exana naewan. Daxota Nacom bichocono ainya cui beyacaincha xua barapo pebinbe. Barichi Apolos iru xan Pablon jopa ainya cui jitonyo panbe. Jame Nacom bichocono ainya cui beyacaincha paxanbe.

<sup>8</sup> Pomonae xua uba iru pomonae xuya meratha mata epababapona barapomonae Nacom tsita najupatsi. Nacom pentoma cata barapomonae be pocotsi coyeneya xua barapomonae petanacuichiwa. Pon xua abeya petanacuichixae, be conotha matoma catsinchi. Pon xua wunaeya petanacuichixae, wunaeya matoma catsinchi.

<sup>9</sup> Paxan pana nabarun yawa tanacuitan Nacom xua pata cueicueiweiwa Nacom Pejume Diwesi poxonae paca cuidubatsi xua painya ne-jume cowantsiwa tsane Nacom. Barapocotsi jata coyeneya paexanan poxonae Nacom Pejume Diwesi paca cuidubatsi icha pebin ichi poxonae uba pabitha xua petanaforotsinexatsi pexaewa. Nacom paca exana xua beta painya ne-jume cocowantaponaewa bapon xua beya bichocono painya nejuntu coyene xanepanaewa tsane. Baxua Nacom paca cana exana, icha be pocotsi jata coyeneya ichi poxonae pebin bomuxu acabapona xua beya poxonae bichocono pexainya bo.

<sup>10</sup> Nacom necopata xua ponxaein copiya matha

tapaca cayawenaewatsi xua painya nejume cowantsinexa bapon. Nama bapoxonae xuya ichamonae paca cuidubapona Nacom Pejume Diwesi xua painya nejume cocowantaponaenexa. Barapocotsi jata coyeneya exanan poxonae tapaca cayawenaewatsi, icha pebin ichi pon peyaputaen xua bo peacabiwa poxonae bo acaba po bo ibo bo. Bapon copiya matha tsicobe nobabareca po iboton beta petabu caumenaewa xua ichamonae tsicobe nobabarecasi. Athawetsica xuya ichamonae exanapona. Daxita pomonae acaba barapo ibo bo bewa beta xanepanaya exanaena icha jiwi ichi xua poxonae bewa beta taexanaena xua pocotsiwa taexana Nacom nexa.

<sup>11</sup> Poxonae jiton ibo bo acaba bapon copiya beta noba po iboton xua copiya nanta caumena. Bapoxonae ichun bewa icha iboton beta cuaranobi barapo iboton pecoyoreca xua bo pexeinya bo petsuncuaenexa. Barapocotsi jata coyeneya ichi, poxonae paca cuidubatsi Jesucristo pejume diwesi. Ichun bewa beta yabara paca cuidubina icha coyene xua baxua painya nejume cowantsinexa.

<sup>12</sup> Po pebin ibo bo acaba barapo pebin itacupatsi xua jebabapona ichawa barapo ibotontha, po ibotontha copiya nanta caumena. Pocotsiwan bapon itacupatsi xua jebabapona bichocono ayapusu be pocotsiwa pewun oro nain, yawano pocotsiwa xua pewun plata nain yawa pocotsiwa be iboton po iboton xua bichocono ainya matoma. Ichacuitha barapo pebin itacupatsi xua barapo ibotontha jebabapona pocotsiwan

xua pepawi be naepawa, yawa be naepanae-wan yawa be musuriboton. Bara j̄uta ichi, pebin itac̄patsi xua yawenaena ichamonaetha. Ichacuitha beta cuidubina pomonae xua jume cow̄anta Jesucristotha pocotsiwa xua bichocono ayapus̄. Ichacuitha cuidubina pocotsiwa xua pepawi pomonae xua jume cow̄anta Jesucristotha xua jopa ayapus̄yo.

<sup>13</sup> Jopaena matakabi po mataqueitha Nacom yabara paebina jiwi xua penatsicuentisiwa xua abe peexanaexae. Barapo mataqueitha Nacom taena po coyene xua jiwi taexana Nacom. Nacom bichocono tsita xanepanatsi pocotsiwa xua bichocono ayapus̄ po coyenein jiwi taexana bapon nexa. Ichitha nama Nacom naitemata po coyene jopa tsita xanepanaetsi xua pocotsiwa bequein jiwi taexana bapon nexa.

<sup>14</sup> Icha pebin exana pocotsiwa xua bichocono ayapus̄ xua Nacom nexa, Nacom matoma catsina bapontha.

<sup>15</sup> Ichitha icha ich̄n taexana Nacom pocotsiwa Nacom jopa tsita xanepanaetsi, daxita barapo coyenein Nacom naitemata po coyene bequein bapon Nacom taexanatsi. Ichitha bapon capanepatsi poxonae Nacom naitemata po coyene bapon exana, icha pebin ichichi xua capanepatsi isoto weya bequein daxita tataxotsi xua pocotsiwa xeina.

<sup>16</sup> Barapara paxam payaputaneme xua painya j̄unt̄ coyene Nacom tsitatsi xua bara be Nacom pin pia bo tatsi tsipei Nacom pia Pejumope t̄nax̄ tatsi popona painya j̄unt̄ coyenetha.

<sup>17</sup> Icha ich̄n saraboba Nacom pin pia bo, Na-



com xuya weraweraca exanaena barapo jitontha. Nacom pin pia bo tatsi, bara po bo Nacom tsita xanepanatsi poxoru pia Pejumope t̃nax̃ tatsi pepoponaexae barapo botha. Icha Nacom ichi xua weraweraca cana exana pontha pon petasarabobixaetsi pin pia bo tatsi, barichi xuya Nacom weraweraca cana exanaena pontha pon paca j̃nt̃ coyene itoroba xua abe painya neexanaewa tsane. Nacom baxua exana tsipei Nacom pia Pejumope t̃nax̃ tatsi popona painya j̃nt̃ coyenetha.

<sup>18</sup> Jopa pacopatsinde xua painya coutha pana namuxuitorobame. Icha ich̃n pia coutha nacayabara nanta xeina xua bichocono peyaputaen icha barapo cae pin nacuathepiwi ichi, bewa bapon pia coutha equeicha caewa naexanae be pocotsin jopa peyaputaen. Bapoxonae bapon bara Nacom tsita be pon pepa peyaputaenchi.

<sup>19</sup> Nacom tsita penamitacueinchi jumetsi po peyaputae coyenewan yaputane jiwi pomonae barapo cae pin nacuathe jinompa. Nacom Pejume Diwesitha barapo jiwi yabara jeichi: “Nacom tsitatsi xua apara xeina penatsicuentisiwa xua abe peexanaexae pocotsi jiton peyaputaen, peexanaexae barompaya pia peyaputae coyenewatha”, jei Nacom Pejume Diwesitha.

<sup>20</sup> Matãtano Nacom Pejume Diwesitha baxua yabara jeino: “Nacom yaputane po coyenein nanta xeina pomonae peyaputaewi. Barapocotsi coyenein Nacom tsita penamitacueinchi jumetsi”, jei Nacom Pejume Diwesitha.

<sup>21</sup> Pomonae pejume cow̃antsiwi Jesucristo jopa

bewa atsaquiya pana neyabara paebi tsane xua pejeiwa: “Pon jume cowuntan pocotsiwa cuiduba bapon bichocono peyaputaen beyacaincha ichan pon peyaputaen”, xua pata taneyabara jeiwa pomonae pejume cowuntsiwi. Tsipei paxan pomonae pecuidubiwi pan saya pebiwi pan xua jopa bichocono peyaputaewi pan. Dapocotsiwa aibi xua pocotsiwa payaweraweracame xua jopa paxeinaem. Daxita pomonae painya nepaca cuidubiwi, irano daxita coyenein pocotsiwa Nacom forota, bara Nacom exana paxam nexa painya nepaca cayawenaewa tsane.

<sup>22</sup> Xan Pablon Nacom neitoroba, iru Apolos itorobatsi, iru Pedro itorobatsi xua pata paca cayawenaenexatsi. Nacom paca cata daxita xua barapo ira piawan, xua painya nepaca yawenaenexa. Matautano yabara paca yaputane exana xua peajuntuyapusawa, po coyenewano petrae coyenewa, matautano po coyene anoxuae piawa yabara, po coyenewano bexa piawa yabara xua painya nepaca yawenaenexa.

<sup>23</sup> Baraxuan daxita paxeiname Cristo piamonae jiwi tatsi pamxaem. Barichi Cristo barapara Nacom Pexanto tatsi.

## 4

*Meje xua Jesucristo pia peitorobi jiwi tatsi taexana, Nacom taexanatsi*

<sup>1</sup> Paxam bewa pana neyabara nanta xeinaename xua paxan meisa saya barapomonae pan xua pomonae Cristo amanaya pata tanacuichi jiwi pan. Paxan yabara pacuiduban Nacom moya pia peyawun xeinaewa tatsi po coyene copiya

bequein bayatha moya yawun xeina xua jivi jopa yabara yaputaeyo. Barapo coyene xua moya peyawun xeinaewa, anoxuae Nacom najume yabara copata xua jivi bara peyaputaenexa.

<sup>2</sup> Pon tanacuita pia pecanamataxeinaeinchi, barapon bewa bara xaniwaicha exanaena pocotsiwa pia pecanamataxeinaeinchi tsipaeba xua bepa exanaena pinae xua daxota pejume cowantsinexatsi pia pecanamataxeinaeinchi xua bara xaniwaicha exana.

<sup>3</sup> Jopa netsita ainya cuiyo xua paxam tapaneyabara paebiwam xua tacuidubiwa yabara xua icha metha bara exanan pocotsiwa Nacom neitoroba. Matautano jopa netsita ainya cuiyo xua jivi taneyabara paebiwa xua barapo coyene xua icha metha bara exanan. Barichi tacoutha jopa nayabara nanta xeinaeinyo xua icha metha barapo coyene jopa exanaeinyo, xua daxota tanatsicuentisixae abe taexanaexae Nacomtha.

<sup>4</sup> Tajuntũ coyene netsipaeba xua bara pinae xanepanaya taexanaewa. Bequein tajuntũ coyene baxua netsipaeba ichitha jopa nayaputaeyo xua metha apara abe taexanaewa xua daxota Nacom tsita natsicuentan. Nacom pon jivi Pecanamataxeinaein bapon apara pon taneyabara paebin xua tanatsicuentisiwa xua abe taexanaexae. Bapon meisa nejuntũ coyene yaputane icha bara metha tsita xeinan xua tanatsicuentisiwa xua abe taexanaexae.

<sup>5</sup> Jopa bepijawa payabara paebinde ichamonae xua abe pia peexanaewa. Abũ tsane beya poxonae patopaetsica pon jivi Pecanamataxeinaein bapoxonae payabara

paebiname abe pia peexanaewa. Barapon Nacom tsita itutsina po coyene xua jiwi pia pejuntũ coyenewatha namicha xeina po coyene xua ichamonae jopa taeyo. Bapon Nacom pon jiwi Pecanamataxeinaein itutsina po coyenein jiwi namicha xeina pejuntũ coyeneintha xua penatsicuentisiwan po coyenein xua Nacom petsita exanaewatsi. Daxita barompaya jiwitha Nacom yabara paebina po coyene pia petaexanaewichi. Pontha pon xanepanaya petanacuitsinchi Nacom wũnae jainchina bapontha. Nacom jopa wũnae jainti tsane pon jopa xanepanaya petanacuitinchi.

<sup>6</sup> Tamonae pam, paxam pomonae irũ painya nejume cowantsiwixae Jesucristo. Yabara paca tsipaebatsi barapo coyenein po coyenein paexanan, xanepanaya painya nejinompaenexa. Barichi paca tsipaebatsi Apolos yabara irũ xua xan yabara painya nenacuidubinexam pocotsiwa paexanan. Bapoxonae painya neexanaewa tsane icha paichin poxonae xua paexanan. Pajinompa dubenanaebiyama icha be pocotsi coyeneya Nacom Pejume Diwesitha paeba. Jopa painya neexana dubenanaebiyaenexa pocotsiwa jopa paebiyõ Nacom Pejume Diwesitha. Painya xoba atsaquiya pacayabara nanta xeiname ponbe Nacom petanacuichinchibe, xua ichũn bichocono peainya cui jiton beyacaincha ichũn.

<sup>7</sup> Nacom jopa paca exanaeyo xua peainya cui jiwi pam beyacaincha xua ichamonae pomonae irũ pejume cowantsiwi Nacom. Pocotsiwa paxeiname jopa apara pana nacatsim painya coutha barapocotsiwa. Apara jame daxita baxuan pax-

einame pocotsiwa Nacom paca catsiba. Daxota jopa bewa atsaquiya pana nayabara paebim painya coutha. Poxonae baxua papaebame apara pajantemainame pocotsiwa xua Nacom painya nepaca catsibiwa daxita.

<sup>8</sup> Itara mexeya daxita painya nexeiaenae jiwi pam po coyenein xua paichichipame painya neyaputaewa Nacom yabara daichitha jopa barapomonaenae pam. Pananta xeiname icha pomonaenae copei pexeinaewi ichi iru icha ichi pomonaenae jiwi itorobiya pia pepa peewatsiwichi xua xaina daxita xua ichichipa yawa daxita xua xuan pocotsiwa pecanantawenonaewa. Paxan jopa nama bara paichinyo. Maisa anoxuae bequein pana ita cui jicha xua yatsicaewa paxam pomonaenae painya neyaputaenae jiwi pam daxita xua Nacom Pejume Diwesi yabara xua bapoxonae pata tana nebaru yaputaewam tsane daxita Nacom Pejume Diwesi.

<sup>9</sup> Paxan Jesucristo pia peitorobi jiwi tatsi pan. Xan nanta xeinan xua Nacom bara be copata pata tana cana exanaewa xua jiwi pata tana necui caponaewa xua poxoru imoxoyo pata werapaewa tsane. Paxan be pocotsi jiwimonaenae pecui paw i jiwimonaenae pan xua daxota daxita nacuanpiwi iru matatsunpiwi pana ichichi xeica.

<sup>10</sup> Jiwi pana neyabara nanta xaina xua paxan pata nemuxuxenae jiwi pan, yaitama paxan Cristo payabara cueicueijan. Jaina maisa paxam jiwi paca yabara nanta xaina xua paxam beta yabara painya neyaputaenae jiwi pam Cristo. Paxan nama jopa pana daichibenaeninyo. Paxan jiwi pana yabara nanta xaina xua pajantu coyene faefaenabenan. Jaina nama pana nayabara

nanta xeiname xua pajant<sub>u</sub> coyene daunwam Nacomtha. Jaina maisa jiwi paca bar<sub>u</sub> cui itura jina, jopa pana daichibenaeyno. Nama atsaquiya abeya pana yabara paeba.

<sup>11</sup> Caena bayatha beya anoxuae, paxan bichocono pajainpan. Mataatano pameratsipanno bichocono. Mataatano painta paparuwan bichocono jonopa. Jiwi pana neba bichocono. Yawano jopa bo paxeinaeyno.

<sup>12</sup> Pana nacobe fifinatontan, patain pata nacuichixae bichocono. Bequein jiwi ts<sub>u</sub>m<sub>u</sub> jumetha pana casebeiba daichitha barapomona Nacomtha pataw<sub>u</sub>queiban xua barapomona peyawenaenexa tsaibi tsainchi. Poxonae jiwi pana atene exaneiba bara saya pacui copatan.

<sup>13</sup> Bara bequein jiwi abeya pana neyabara paebeiba ichamonaetha, daichitha baxua jopa pajume naitaewatsinyo. Saya jame xanepanaya pat-sipaeban barapomonaetha. Jiwi pana neyabara nanta xeina xua pinae peabe jiwi pan. Barapo jiwi pana itaweta icha be poxonae jiton ichi poxonae piawa basuratha xuba. Baxua jiwi painta exanapona beya anoxuae.

<sup>14</sup> Jopa baxua pacata tinaetsi xua paca aura exanatsi. Jame pacata tinatsi xua pata cayawenaenexatsi xua painya neexanaenexa pocotsiwa bewa paexanaename. Paxam be tapexui pam, tsipei bichocono paca antobetsi.

<sup>15</sup> Bequein icha bara metha paxeinaetsipame diez mil poyobe pomona painya cacuidubi jiwi po coyene xua Cristo yabara, ichitha saya pacata compa pon be painya axa natsicotane. Saya meisa xan compan copian pon be painya axa tapacata

natsicotaeinchi, tsipei paxam copiya Cristo Jesús pajume cowantame poxonae paca cuidubatsi Nacom Pejume Diwesi.

<sup>16</sup> Daxota bichocono paca muxu jeichi, paexanaponde icha xan ichin xua exanaponan.

<sup>17</sup> Daxota pacata itorobatsi Timoteo pon bichocono antobein. Bapon bara be taxanto, tsipei yawenan xua pejume cowantsiwa Jesucristo pon jiwi Pecanamataxeinaein. Bapon exaneiba pocotsiwa itorobeiban. Bapon Timoteo paca tsipaebina xua tana neyabara paebiwa tsane po coyene xua xanepanaya tapoponaewa tajume cowantsixae Cristo Jesús. Barapo coyenein cuidubeiban ichaxota poneiban daxita i dapocotsi penacaetutsi bon jiwitha pomonae Nacom pejume cowantsiwichi.

<sup>18</sup> Ichamonae pomonae paxam jiwana pam, bichocono juntu coyene yucatsi xua ichamonae peabiwatsi. Baxua exana tsipei barapomonae nanta xeina xua xan jopa tapaca siwa ponaewa tsainchi.

<sup>19</sup> Icha Nacom pon jiwi Pecanamataxeinaein copatsina xua bara taponaeewa tsane aunxuae paca siwa ponaeinchi. Bapoxonae taein pomonae xua ichamonae peabiwichi icha metha barapomonae xeina Nacom pia peayapusu itorobi coyenewa tatsi. Ichacuitha metha tsipae aparta metha saya paeba.

<sup>20</sup> Jiwi jopa patsi tsane Nacom pia peitorobi nacua beicha xua poxoru wnae pepaebixae tsane pia coutha. Aparta jame jiwi patsina bara beicha pexeinaexae Nacom pia peayapusu itorobi coyenewa tatsi.

<sup>21</sup> ¿Eta xua painyatsi? ¿Paca tsicapatinchi

naewan xua xota paca beinchi? Jume apara. Ichacuitha metha tsipae ¿paichichipame xua tapaca casiwa ponaewatsi tapaca caantobexaetsi? ¿Matautano beta pacata exanaeinchi xua jopa taanaepanaexae? Aa jame baxua.

## 5

*Meje xua poxonae Pablo itaweta pon penowa tsiperu nacoyoba*

<sup>1</sup> Ichun netsipaeba xua pinae caein pon paxam jiwana pam pinae bichocono abe exana. Pinae bapon penowa tsiperu nacoyoba powa paxa tatsi bayatha baru popona. Barapo peexanae coyenewa bichocono abe. Pomonae bequein jopa peyabara yaputaewa Nacom barapo coyene jopa copatsiyo xua jiwi peexanaewa tsane baxua.

<sup>2</sup> Paxam pomonae painya nenanta xeinae jiwi pam xua peainya cui jiwi pam xua daxota jopa panantawenonaem xua painya neitawetsiwa bapon. Jame bewa baxua payabara juntu coyene wecoyam. Pon painya xantha pita penowa powa paxa tatsi xeina bewa patorotsim painya xainya weya.

<sup>3</sup> Bequein jopa yatsicaewa paca baru ecaetsi ichitha paca yabara nanta xeineibatsi be poxonae paca baru ecatsi yatsicaewa. Bara bapon yabara paeban xua penatsicuentsiwa xua abe peexanaexae tsipei yabara paeban Jesucristo pia peayapusu itorobi coyenewatha tatsi, pon Wanacanamataxeinaein. Baxua exanan icha be poxonae yatsicaewa tapaca baru ecaewatsi.

<sup>4</sup> Poxonae panacaetutame daxita pam, pomonae painya nejume cowuntsi jiwi Jesús,



paca yabara nanta xeineibinchi icha be poxonae tapaca barꝯ ecaewatsi yatsicaewa. Matautano Jesús pon jiwi Pecanamataxeinaein pia peitorobiwa tatsi xua peayapusꝯwa tatsi paxeina dubenanaebiyama.

<sup>5</sup> Pon xua awiya abe exanapona barapo jiton bara pacopare Satanastha pon caurimonae pia pentacaponaeintha tatsi. Bapoxonae barapo caurimonae pia pentacaponaein tatsi atene cana exanaena bapontha xua saya pia pepontha tatsi poxoru barapo jiton ichichipa xua abe peexanaewa. Bapoxonae barapo pebin equeicha jume cowꝯntsina Nacom po pebin copiya abe peexanaexae. Pia pejumope tꝯnaxꝯ tatsi Nacom capanepaena po mataqueitha poxonae Jesús patopeicaena, pon jiwi Pecanamataxeinaein.

<sup>6</sup> Paxam jopa bewa atsaquiya pajinompæm xua poxoru pocotsiwa painya neexana dubenanaebiyaexae. Icha caein payabara cui copatame xua bara abe exanapona painya xantha pon abe peexanaein bequein xua saya conotha exana, bapoxonae pinmonae painyamonae abe exanapona. Bara paxam payaputaneme pocotsi diwesiyo ba jiwi yabara canaꝯta jꝯtsiya paeba baxua yabara xua pejeiwa: “Levadura matawꝯn xoyo bequein peyauyo baxoyo daxita pantha cotowa exana”, xua pejeiwa.

<sup>7</sup> Painya xainya weya patorore pon abe peexanaein abe peexanaeyainwa daxita painyamonae xua icha bapon ichi xua abe exana. Barapo coyene icha be ichi poxonae jiwi levadura bebai, po levadura peru levadura abe peexanaeyainwa pan matabꝯtha. Poxonae

bapo pebin patorotame baroxonae painyamonaе pomonaе pejume cowantsiwi xanepanaya jinompaena. Caena bayatha judiomonaе juteba oveja xua poxonae pewnaeya tsane poxonae Egipto nacia weya pona. Baroxonae Nacom yabara jantemaina judiomonaе abe pia peexanae cuiru coyenein tatsi poxonae cordero bexotsi xua oveja pebto penan. Nacom tsitatsi xua Cristo bara be cordero poxonae tupa naetotha. Cristo naca tsitupa xua abe waexanae cuiru coyenein icha cordero ichi xua tsitupa xua judiomonaе abe pia peexanae cuiru coyenein tatsi.

<sup>8</sup> Waxainchi jopa bewa peabe coyenewa exanaetsi. Jame bewa xaniwaicha jantu coyene xanepanaya jinompa dubenanaebiyaetsi Jesucristo pia pejume cowantsiwichixaetsi.

<sup>9</sup> Icha cartatha paca tsipaebatsi xua jopa bewa painyamonaе jiwi pacana exanaem pomonaе pesi cui weiweinae jiwi xua bequein jopa piseuri jiwi.

<sup>10</sup> Barapomonaе pomonaе pesi cui weiweinae jiwi pomonaе jopa pejume cowantsiwi Jesús apara jopa paca tsipaebichi barapomonaе yabara. Pomonaе jimán jiwi xua ichichipa copei xeinaewi naexana xua beyacaincha ichamonaе pomonaе jopa pejume cowantsiwi Jesús apara jopa paca tsipaebichi barapomonaе yabara. Pomonaе jopa pejume cowantsiwi Jesucristo pomonaе pecaibi jiwi apara jopa paca tsipaebichi barapomonaе yabara. Pomonaе ibo nacomán wnae pejainchiwi apara jopa paca tsipaebichi barapomonaе yabara. Barapomonaе pexainya weya painya newarapaenexa maisa jame bewa pawarapaem barapo cae pin nacia weya, xua

ichaxota po nacua jiwaibi beya xua bara beya painya newarapaenexa.

<sup>11</sup> Pocotsiwa aunxuae paca tsipaebatsi baraxua icha cartatha bayatha pacata tinatsi. Jan: “Jopa bewa payawa muxuna jinompaem pomonae abe peexanae jiwi bequein paeba xua pinae jume cowanta Jesucristo. Barapomonae jopa bewa payawa muxuna jinompaem pomonae pesi cui weiweinae jiwi, irano pomonae jimun jiwi xua ichichipa copei xeinaewi naexana beyacaincha xua ichamonae irano pomonae ibo nacomun wunae pejainchiwi, irano pomonae nacupa penaexanaewi, irano pomonae jiwi pebiataewi, irano pomonae pecaibi jiwi daxita barapomonae jopa bewa pabarun xaem bequein paca wabitha tsipaeno xua painya nenanabanaewa tsane”, jan.

<sup>12</sup> Xan jopa neitacupaeyo xua jiwi tayabara paebiwa xua penatsicuentisiwa Nacomtha xua abe peexanaexae pomonae jopa jume cowantsiyo.

<sup>13</sup> Jame apara meisa Nacom yabara paeba xua penatsicuentisiwa xua abe peexanaexae pomonae jopa Nacom pejume cowantsiwichi. Ichitha bewa payabara paebim xua penatsicuentisiwa pomonae penacaetutsi jiwi pomonae pejume cowantsiwixae xua abe peexaneibixae poxonae. Daxota bewa paxam patorotsim pon abe exana painya xantha pon penowa tsiperun wenacoyoba xua awiya barun jijinapona.

## 6

*Meje yabara pomonae pejume cowantsiwi Jesucristo xua peponaewa pontha pon jiwi yabara*

*paeba xua penatsicuentisiwa xua abe peexanaexae*

1 Poxonae ichamonae pomonae pejume cowantsiwi jiwana pacata abe exana painya xoba paponame ichaxota eca pon jiwi yabara paeba xua penatsicuentisiwa xua abe peexanaexae. Jamaisa baxua paexaname xua pawhcame pon jopa pejume cowantsin pon jiwi yabara paeba xua penatsicuentisiwa xua bapon peitawetsinexa pomonae abe peexanaewi. Bapoxonae painya pia bapon paca tsipaebichi xua barapomonae paca tsita natsicuenta xua abe peexanaexae. Jame bewa paponaname ichaxota nacaetuta pomonae pejume cowantsiwi Jesucristo. Bapoxonae barapomonae yabara paebina pomonae xua penatsicuentisiwi xua abe peexanaexae paxamtha.

2 Paxam payaputaneme xua pomonae pejume cowantsiwi Jesucristo, barapomonae yabara paebina pomonae xua penatsicuentisiwi xua abe peexanaexae pomonaetha pomonae barapo nacuathepiwi. Barichi bexa tsane poxonae Cristo patopeicaena payabara paebiname pomonae barapo nacuathepiwi xua penatsicuentisiwa xua abe peexanaexae. Daxota anoxuae bewa paexanaem xua payabara paebiname xua penatsicuentisiwa xua bequein bara conotha abe peexanaexae pomonaetha pomonae pejume cowantsiwi Jesucristo po coyenein bara bequein bichocono jopa abeyo.

3 Waxainchi yaputainchi xua bexa tsane wayabara paebiwa matatsunpiwi penatsicuentisiwa xua abe peexanaexae Nacomtha. Baxua exanaeinchi poxonae

Cristo patopeicaena. Daxota anoxuae paca itac̣pa xua painya neyabara paebiwa xua penatsicuentsiwa xua abe painya nepaca tsita exanaexae pomonaetha pomonae pejume cowantsiwi xua wajinompawea yabara barapo cae pin nacuathe.

<sup>4</sup> Icha paxeiname po coyenein xua abe pacata exana pomonae iṛpa pejume cowantsiwi, jopa bewa paponam ichaxota pon jiwi peyabara paebin jiwi xua penatsicuentsiwa xua abe peexanaexae pon jopa pejume cowantsin.

<sup>5</sup> Baxua paca tsipaebatsi xua painya neauramnexa tsane. Pon ba peyaputaein bapon ba itac̣patsi xua jiwi peyabara paebiwa pomonaetha pomonae xua penatsicuentsiwa xua abe peexanaexae, xua ichamonaetha abe peexanaexae pomonaetha pomonae iṛpa pejume cowantsiwixae Jesucristo. Ichitha poxonae paponame ichantha pontha pon jiwi peyabara paebin xua penatsicuentsiwa xua abe peexanaexae, pon jopa pejume cowantsin, apara jopa xapain paexanaem. ¿Metha bara painyamonae jiwana pin dapocotsin yatsicaewa aibi jampa pon jiwi peyabara paebin xua penatsicuentsiwa xua abe peexanaexae jampa?

<sup>6</sup> Ponbe paxam jiwana pam, ponbe pejume cowantsinbe Jesucristo, baponbe nababe. Icḥn xua baponbe jiwana pona ichaxota pon jiwi peyabara paebin pon jopa pejume cowantsin, xua peyabara paebinexatsi pon abe peexanaexae ichantha.

<sup>7</sup> Poxonae paxeineibame po coyenein xua pana nabeibame xua daxota paponeibame

pontha pon jiwi peyabara paebin baxua abe paexaname. Poxonae ichamonae abe pacata exana saya bara pacui yabara copabare. Jame baxua pacata xanepana. Bapoxonae jopa painya nenantawenonaewa xua painya neponaewa pontha pon jiwi peyabara paebin xua penatsicuentsiwa xua abe peexanaexae. Barichino poxonae ichamonae paca caiba saya bara pacopare xua jopa abe painya neexanaenexa tsane bapomonaetha.

<sup>8</sup> Payopitame xua pinae painyamonae pacata abe exana, yawa xua pinae paca caiba. Ichitha apara paxam bara paichim abe paexaname, xua poxonae paponame pomonaetha pomonae jopa pejume cowantsiwi xua peyabara paebinexatsi pomonae abe pacata exana.

<sup>9-10</sup> Paxam payaputaneme xua pomonae abe peexanaewi jopa patsi tsane Nacom pia peitorobi nacua beicha. Painya xoba pana nayabara cui copatame xua painya coutha painya nena-muxuitorobiwa barapo coyene yabara xua dax-ota pananta xeiname xua barapomonae apara patsina Nacom pia nacua beicha. Pomonae jopa patsi tsane Nacom pia peitorobi nacua beya xua peexanaexae po coyenein xuaje: Pomonae pesi cui weiweinae jiwi, pomonae wuna pe-jainchiwi ibo nacomun, iru pomonae penotsiwi yabuxi powaxi bara bequein pia pebiwi xeina, iru po pebiwi cae pebiwi penaisa maichiwi, iru pomonae pecaibi jiwi, iru pomonae jimun jiwi xua ichichipa copei xeinaewi naexana beyacaincha xua ichamonae, iruru pomonae nacyra penaex-anaewi, peatsaxa meran, iruno pomonae jiwi pe-

biataewi, irano pomonae peyabara muxuitorobi jiwi pecaibinexa.

11 Copiyatha paxam be barapocotsi jiwimonaē pam xua poxonae matha aena pajume cowuntame xua abe painya neexanae jiwi pam. Daichitha Nacom paca yabara jumentaina abe painya neexanae cuiru coyenein. Matautano Nacom paca yabara caunuta jeye: “Tapexuimonaē jiwi”, paca yabara jei. Matautano Nacom jopa painya tsita natsicuentsiwa xua abe painya neexanaexae. Nacom pia Pejumope tūnaxū tatsi irū Jesucristo pacata exana baxua xua poxonae pajume cowuntame Jesucristo pon jiwi Pecanamataxeinaein.

*Meje xua Pablo jei: “Wapepon Nacom piawa”, jei*

12 Jiwi ba jeye: “Xan necopata xua bara taexanaewanexa pocotsiwa xua ichichipan”, jei. Bara bequein xainyei jiwi xua pepaebiwa, ichitha ichacuitha barapo jiwi jopa xapain pia coutha nata exanaetsipae. Bequein barichin bequein necopata xua bara daxita taexanaewa, daichitha ichacuitha jopa xapain nata exanaeinchipae xua poxonae icha nanta xeinaetsipan xua jopa neitacupaeyo xua bara tana necui copatsiwa.

13 Bara jiwi ba xainyeya paeba poxonae jeye: “Pexaewa wūnae xua pecotsoro nexa, irū pecotsoro wūnae xua pexaewa nexa”, jei. Ichitha bexa tsane Nacom weraweraca cana exanaena barapo naxobe jumebe. Nacom apara jopa nacata exanaeyo wapepon xua wapepon abe wanata exanaewa xua wanasi cui taetaewa. Wapepon Nacom exana xua pia coutha natsiexana, xua

watanacuichinexa bapon, pon jiwi Pecanamataxeinaein. Nacom yawena xua wapepon yawenatsi xua pia wanaca capanepaenexa.

<sup>14</sup> Icha Nacom ichi xua asu exana petupaе cuiru coyene weya pon jiwi Pecanamataxeinaein Jesucristo, Nacom bara naca ichi tsane, asu naca exanaena petupaе cuiru coyene weya pia peayapusu itorobi coyenyatha.

<sup>15</sup> Paxam Corinto tomarapiwi pam. Payaputaneme xua daxita carepaya paxam Cristo piamonae jiwana tatsi pam, pomonae pejuntu coyene xanepanae jiwi. Xan iru barapo pejuntu coyene xanepanae jiwi piamonae jiwanan tatsin. Daxota jopa benatsiperu jayababinyo powaxitha powaxi pesi cui weiweinaewaxi, tsipei tapepon apra Cristo tatanacuichinexa bapon.

<sup>16</sup> Paxam payaputaneme icha pebin natsiperu jayababa powatha powa penasi cui matacaetsiwa baraponbe bara be caeinbe naexanabe. Nacom Pejume Diwesitha jeye: “Poxonae pebin piowa pita bara be caein naexanabe”, jei Nacom Pejume Diwesitha.

<sup>17</sup> Poxonae ichun cae juntu coyene naexana Cristotha pon jiwi Pecanamataxeinaein, bapon bara apra caein naexana Cristotha pia pejuntu coyenewatha.

<sup>18</sup> Painya xoba paexanaename icha pocotsi coyeneya ichi xua peexanaewa pomonae pesi cui weiweinaewi. Daxita po coyenein pebiwi exana xua abe peexanaewa apra jopa pia coutha abe nacana exanaeyo. Apra jame ichuntha abe exana. Saya jame poxonae pebiwi pesi cui weiweinaewi bapoxonae barapo pebiwi pia coutha



abe nacana exana.

<sup>19</sup> Paxam payaputaneme xua Nacom pia Pejumope t̃nax̃ tatsi paca bar̃u jinompa pia paca nacana jumope t̃nax̃ catsixae paxamtha. Icha barapo Nacom pia Pejumope t̃nax̃ tatsi ichi xua paca bar̃u jinompa, barichi barapo Nacom pia Pejumope t̃nax̃ tatsi popona Nacom pin pia botha tatsi. Tsipei anoxuae Nacom piamonaexae tatsi pam, apara paxam jopa painya coutha painya nenacanamateaxeinaewi jiwi pam.

<sup>20</sup> Nacom bayatha pacata pematomatsiwa exana xua poxonae Jesús naetotha painya nepaca tsit̃paewa xua abe painya neexana cuiru coyenein. Daxota beta pajume cow̃ntsiya jinompare ichamonae petit̃tha tatsi. Bapoxonae barapomona Nacom bar̃u cui itura jinatsi xua pon xanepanaya peexanaein poxona paca cui tane xua xanepanaya pajinompame.

## 7

*Meje xua Pablo yabara muxuweta xua jitha peenaewa yabara*

<sup>1</sup> Anoxuae paca jume notatsi po peyainyabiwa pana yainyabame cartatha. Icha pebin jopa jitha beecaeyo b̃u bara moya jopa jitha ecae tsane, bequein bara baxua taxanepanatsi bapon.

<sup>2</sup> Ichacuiitha poxona pebin jopa jitha ecaeyo besi cui weiweinaena powatha xua bequein pia pebin xeina. Daxota pecuiyainwa barapo coyene bapon bewa jitha ecaena, xua barompaya piowa tatsi. Barichi daxita yab̃xi bewa barompaya seicaya notsina pia pebiwi.

<sup>3</sup> Pebin bewa bara exanaena piowatha xua poxonae peisa maitecae coyenewa. Barichir<sub>u</sub> yab<sub>u</sub>yo bewa bara exanaena pia pebintha xua poxonae petsicuara maitecae coyenewa.

<sup>4</sup> Petsiriwa powa jitha eca, jopa bewa nayabara nanta xeinae xua penaper<sub>u</sub> xeinaewa xua saya pia coutha nexa. Jame bewa nanta xeinae xua apara bara pia pebin tatsi pia per<sub>u</sub>to tatsir<sub>u</sub>. Barichi pebin jopa bewa nayabara nanta xeinae xua penaper<sub>u</sub> xeinaewa xua saya pia coutha nexa. Jame bewa nanta xeinae xua apara bara piowa tatsi pia per<sub>u</sub>to tatsir<sub>u</sub>.

<sup>5</sup> Petsiriwa jopa bewa aichaxaibi tsane xua isa maiteca pia pebin. Pebin ir<sub>u</sub> jopa bewa aichaxaibi tsane xua piowa peisa maitecaewatsi. Poxonae pebin piowabe eenatsibe caentacabiyobetha xua Nacomtha w<sub>u</sub>cauyabe bapoxonae baponbe itac<sub>u</sub>ratsi xua itompa exanaenabe xua peexanaewa po coyene penaisa maitecae cui coyenewa. Saya caentacabiyobetha baxua bewa itompa exanaena po coyene xua penaisa maitecae cui coyenewa. Jame poxonae po mataqueitha najume wetsina xua Nacomtha pew<sub>u</sub>caewabe bapoxonae jame bara bewa exanaenabe equeicha penaisa maitecae cui coyenewa. Baxua bewa exanaenabe xua jopa pej<sub>u</sub>nt<sub>u</sub> coyene j<sub>u</sub>j<sub>u</sub>tsinexa tsainchibe caurimonae pia pentacaponaein tatsi xua abe peexanaenexa tsanebe xua naitompa penaexanaexaebe.

<sup>6</sup> Saya baxua paca muxuwetatsi apara xua jitha painya neenaewa xua daxota jopa abe painya neexanaewa tsane. Jopa apara paca itorobichi daxita pam xua jitha painya neenaewa. Bara

moya jitha ecaena pon ichichipa.

<sup>7</sup> Ichichipan xua daxita jiwi jinompa dubenanaebiyaena icha po coyeneya ichin xua poxonae poponan xua jeinya ecan. Daichitha Nacom cata daxita jiwitha xua daxita jiwi barompaya pia cui coyenewan xexeina tsiniya. Po coyenein xua Nacom cata daxita barompaya jiwitha jopa nacui coyene jupaeyo.

<sup>8</sup> Pomonae pemisa dubenaewi pam iru powaxi painya seuriwi painya necacuenta werapaewaxichi pam, daxita barapomonae pam paca tsipae-batsi. Bara wuna tsipae icha jopa jitha paenaemt-sipae icha be xan ichin xua jopa jitha taecaewa.

<sup>9</sup> Ichitha icha jopa paca itacupaeyo xua painya nejeinya enaewa moya bara jitha bewa paenaem. Jame baxua pacata xanepana xua jitha paename xua daxota jopa painya nesi cui weiweinaewa.

<sup>10</sup> Ichitha pomonae xua bayatha jitha painya neenaewi pam barapomonae pam paca itorobatsi. Jopa apara taitorobi coyeneya paca tsipae-bichi. Jame apara Nacom taneitorobixae xua po coyeneya tapaca catsipaebinxatsi. Paca jeichi: “Yabuyo jopa bewa cuenta warapaena pia pebin xua pexubinexa”, paca jeichi.

<sup>11</sup> Powa punaxuba pia pebin, barapowa bara misa ecaena. Jopa pitsi tsane icha pebin eque-icha. Metha jame xanepanaetsipa icha bapowa caewa pichapa pia pebin. Barichi pebin jopa bewa punaxubi tsane piowa.

<sup>12</sup> Anoxuae nama icha coyene paca tsipaebatsi po coyenewa jopa Nacom neitorobiyo saya xua tacoutha tananta xeinaewa. Icha pebin pon pejume cowantsin xeina piseuri powa jopa pejume

cowantsiwayo bapon jopa bewa punaxubi tsane barowa icha barowa ichichipa xua bapon pebaru poponaewatsi.

13 Barichi icha yabuyo powa jume cowanta xeina pebin pon jopa pejume cowantsin barowa jopa bewa punaxubi tsane icha bapon ichichipa xua barowa pebaru poponaewatsi.

14 Po pebin bequein jopa jume cowantsiyo, Nacom tsitatsi xua po coyene barapon penacoyobiwa bara xanepana, tsipei bapon piowa xeina powa pejume cowantsiwayo. Barichi powa jopa bequein pejume cowantsiwayo, Nacom tsitatsi xua po coyene barapowa jitha peecaewa bara xanepana, tsipei barowa xeina pia pebin pon pejume cowantsin. Icha Nacom barapocotsi coyeneya jopa exanaetsipae nexata painya pexui be pomonae jopa Nacom pejume cowantsiwi pia pexui tatsi tsipae. Ichitha poxoru barapo coyene painya netsita xeinaexae Nacom daxota Nacom yawa muxuna tsitatsi xua barapo painya pexui barapoxi juntu coyene xanepanena.

15 Ichacuitha pebin pon jopa pejume cowantsin ichichipa punaxuba piowa powa pejume cowantsiwayo. Baropoxonae barowa bara copata xua pepunaxubiwatsi pia pebin. Barichi ichacuitha yabuyo powa jopa pejume cowantsiwayo ichichipa punaxuba pia pebin pon pejume cowantsin. Baropoxonae bapon bu bara copata xua pepunaxubiwatsi pia petsiriwa. Nacom copata barapomonae jopa pejume cowantsiwixaetsi xua piseuriwi pepunapentsiwa tsipei ichichipa xua junte miya wanabaru jinompaewa tsane saya.

16 Yabuyom icha ewatsiwatham tsipae xua jinya pebin pejume cowantsinexa, daichitha jopa jume cowantsipae Nacom. Barichi pebin icha ewatsiwatham tsipae xua jinseuri pejume cowantsinexa, daichitha jopa jume cowantsipae Nacom.

17 Daxita paxam bewa xanepanaya pajinom-paename icha pocotsi coyeneya Nacom painya nepaca catsixae tsane. Baxua bewa paexanaename xua po coyene Nacom paca yabara tsiwaba bara bequein painya seurixi paxeiname ichacuitha bara metha bequein jopa paxeinaem tsane painya seurixi. Baxuan cuiduban daxita carepaya penacaetutsi bontha pomonae Nacom pejume cowantsiwichi.

18 Ichacuitha Nacom waba xua pebin wabatsi pejume cowantsinexa tsane. Icha barapo pebin caena bayatha wi thabatsi bu saya barabu tsane baxua. Barichi ichacuitha Nacom waba xua pebin wabatsi pejume cowantsinexa tsane. Barichi icha barapocotsi pebin caena bayatha jopa wi thabichi bu saya barabu tsane baxua xua jopa pewi thabinexatsi.

19 Bapana Nacom jopa tsita ainya cuichi, metha bequein pebin bayatha wi thabatsi, ichacuitha metha bequein jopa wi thabichi. Po coyene xua peainya cui coyene xua jiwi bewa exanaena, jame maisa bewa jiwi jume cowantsiya exanaena pocotsiwa Nacom itoroba.

20 Daxita paxam bewa jupa paexana dubenanaebiyaname icha copiya paichim xua paexana dubenanaebiyame poxona copiya aena Nacom paca waba.

21 Poxonae Nacom waba pon paxam jiwana pam xua poxonaerɯ̃ bapoxonae amanaya tanacuita pia pentacaponaein, bapon jopa bewa yabara nantɯ̃ exabi baxuan xua pia saya poponaetsi. Ichitha icha bapon itacɯ̃patsi xua saya pepoponaewa bɯ̃ moya saya popona xua jopa penantawenonaenexa tsane xua amanaya petanacuichiwa ichɯ̃n.

22 Barichi ichacuitha pon bayatha exanatsi xua amanaya petanacuichinexa ichɯ̃n bapon jume cowɯ̃nta Jesús. Bapoxonae bapon naexana pon saya pepoponaein pia pentacaponaein weya, peexanaenexa pocotsiwa Cristo itoroba. Barichi ichacuitha pon saya pepoponaein xua jopa amanaya tanacuichiyo ichɯ̃n bapon jume cowɯ̃nta Jesucristo. Bapoxonae bapon naexana pon Jesús amanaya pia petanacuitinchi tatsi tsipei exana pocotsiwa Cristo itoroba.

23 Nacom pin matomatha pacata matomata poxonae Jesús naetotha paca tsitɯ̃pa abe painya nexanae cuiru coyenein nexa. Painya xoba pacopatame xua jiwi equeicha caewa painya nepaca itorobiwa xua abe painya neexanaewa.

24 Tamonae pam daxota paca itorobatsi xua painya nejume cowɯ̃nta dubenanaebiyaeinexa Nacom, icha paichim xua pajume cowɯ̃nta dubenanaebiyame poxonae copiya Nacom aena paca waba.

25 Jopa xeinaeinyo po jumetha xua tacueicuei-jeiwa po coyenewa xua Nacom pon jiwi Pecanamataxeinaein neyaputane exana xua pomonae piseuriwi penotsiwi nexa. Saya apara paca tsi-paebatsi po coyeneya xua saya tacoutha tananta

xeinaewa. Ichitha paxam paca itacupa xua pata tana nejume cowantsiwam tsipei Nacom necata barapo peyaputae coyenewa tana neantobexae.

<sup>26</sup> Xan tacoya nanta xeinan xuaje: Bara bewa saya jiwi jeinya enaena. Jopa jitha peenaewa tsane, tsipei anoxuae barapo dapaetha xeinatsi nawita po coyenein bichocono nacata ayapube tsounae xua wanapapeichiwatsi.

<sup>27</sup> Icha jitha paename painya xoba pana napunapentame. Barichi icha pajeynya ename painya xoba pasi cui weiweiname.

<sup>28</sup> Icha jitha paename jopa apara bara abe paexanaem. Iru icha yabyo jitha eca bapowa apara jopa abe exanaeyo. Daichitha pomonae jitha peenaewi bichocono taayapubetsi xua pejinompaewa nexa barapo cae pin nacuathe. Xan ichichipan paca yawenatsi daxota baxuan yabara paca tsipaebatsi xua pacata ayapubeyainwa xua jitha painya neenaewaxae tsipae.

<sup>29</sup> Tamonae pam, paxam pomonae iru painya nejume cowantsiwixae Jesucristo. Po coyenewa xua ichichipan tapaca tsipaebiwatsi tsainchi xua meje xua janje: “Waxainchi pin dapae jopa xeinae tsainchi po mataqueitha poxonae Jesús patopeicaena”, jan. Daxota pomonae jitha ena bewa jinompa dubenanaebiyae icha be poxonae ichi poxonae xua jinompa dubenanaebiya pomonae jeinya peenaewi xua xaniwaicha Nacom daunweya petanacuichiwatsi.

<sup>30</sup> Daxita jiwi bewa eenaetsi xua Nacom petanacuita dubenanaebiyawatsi. Daxota pomonae anthathatane xua pewecoyeixae bu barapomonae jinompa icha ichi xua

jinompa pomonae jopa anthathataneyo xua jopa pewecoyeixae xua daunweya penacuichixae Nacom nexa. Barichi pomonae xua bichocono jantꞏ coyene weiweina bu barapomonae jinompa icha ichi xua jinompa pomonae jopa jantꞏ coyene weiweinaeyo xua daunweya penacuichixae Nacom nexa. Barichi pomonae xua pecomoca dubenanaebiyawewi bu barapomonae jinompa icha ichi xua jinompa pomonae jopa pecomoca dubenanaebiyawewi xua daunweya penacuichixae Nacom nexa.

<sup>31</sup> Poxonae cataunxuae pajinompame barapo cae pin nacuathe jopa paichichipa dubenanaebiyaeinde pocotsiwan xua barapo cae pin nacuathe xeina. Tsipei pocotsiwa barapo cae pin nacuathe xeina daxita weraweracaena.

<sup>32</sup> Ichichipan xua bichocono jopa painya neyabara nanta xeinaewa pocotsiwa barapo cae pin nacuathe xeina xua paca jantꞏ deideijejei exana. Po pebin jeinya eca itacꞏpatsi xua penajantꞏ coyene eena exanaewa xua petaexanaewatsi Nacom pon jiwi Pecanamataxeinaein. Barapo coyene Nacom jantꞏ coyene weiweina exanatsi.

<sup>33</sup> Po pebin jitha eca bapon bichocono yabara eenatsi nawita xua yabara nanta xeina nawita xua po coyeneya piseuri peewatsiwa xua daxota bapowa piseuri peyabara baru jantꞏ coyene weiweinaenexa.

<sup>34</sup> Barapon barapo naxobe coyenewabe muxuna yawa nanta xeina. Barichi yabꞏxi powaxi jeinya ena iruru powaxi jitha ena barompaya tsanaya piawan yabara nanta xeina. Powa xua



bapana jopa jitha ecae bapowa itacupatsi xua penajuntũ coyene eena exanaewa xua petaexanaewa po coyene Nacom ichichipa pon jiwi Pecanamataxeinaein. Barapowa ichichipa exana xua Nacom pejuntũ coyene weiweina exanaewatsi tsainchi pocotsiwa xua bapowa peexanaewaxae xuano bapowa pocotsiwa penanta xeinaewaxae. Ichitha nama powa jitha eca bapowa bichocono yabara eenatsi nawita xua yabara nanta xeina nawita xua po coyeneya pia piseuri peewatsinexa xua daxota bapon piseuri peyabara bara juntũ coyene weiweinaenexa.

<sup>35</sup> Baxua paca tsipaebatsi tsipei ichichipan xua tapaca cayawenaewatsi. Apra jopa paca itorobichi xua jopa painya nenotsiwa tsane painya seuriwi. Ichichipan xua beta painya nejinompaewa xua painya netanacuita dubenanaebiyaenexa Nacom daxita painya juntũ coyeneintha.

<sup>36</sup> Pebin irũ yabũyo nanta xeinabe xua penapichinexa tsanebe. Ichitha cataunxuae ewatabe xua penapichiwa tsanebe. Bapon ichichipa nawita xua pepichiwa bapowa, irũ petsiriwa bayatha wei weta. Daxota moya bara bewa napichinabe. Baxua jopa abeyo po coyene baponbe exanabe.

<sup>37</sup> Ichitha icha pebin itacupatsi xua jopa nantawenonaeyo xua pepichinexa pecotsiwa, xuano juntucuru jopa pichi tsane pecotsiwa, bara jemba tsane icha bapon pecotsiwa jopa pichi tsane. Bara saya jeinya ecaena. Bapoxonae bapon bara saya beta exana.

38 Pon pecotsiwa pita beta exana bequein. Ichitha nama pon jopa jitha ecaeyo bapon jame bichocono beta exana beyacaincha pon pecotsiwa pita.

39 Petsiriwa powa jitha eca powa pejume cowantsiwa bewa piseuri cuicuinaena poxonaе cataunxuae jopa tatupaetsi piseuri. Icha pia pebin tatupatsi barapowa itacupatsi xua pichina icha pebin pon saya pejume cowantsin.

40 Jame metha bapowa bichocono yatsicaewa juntu coyene weiweinaetsipa icha jopa equeicha pichipae icha pebin. Bapoxonaе bapowa bichocono juntu coyene weiweinaetsipa beyacaincha poxonaе pita icha pebin. Baxua nanta xeinan xua saya tananta xeinaewa. Matautano iruru barichin jume cowantan xua Nacom pia Pejumope tanaх tatsi tana nebaru poponaewa. Daxota neitacupa xua yabara tapaebiwa barapo coyenein.

## 8

*Meje xua Pablo peyabara paebiwa pexaewa po pexaewa jiwi tajeba ibo nacomun*

1 Anoxuae ichichipan xua pexaewa yabara tapacata tinaewatsi po pexaewa jiwi tajeba ibo nacomun poxonaе jiwi wunaе jainteiba ibo nacomun. Bequein xainyei xua baxuan yabara yaputainchi, daichitha barapo peyaputae coyenewan naca atsaca exana. Ichitha jame po peantobe coyenewa xeinatsi apara naca yawena xua beta wanabaru jinompaewatsi.

<sup>2</sup> Pon xua nanta xeina xua pinae yaputane bi-chocono bapon apara taacoibichi pocotsiwa xua bapon bewa yaputaena.

<sup>3</sup> Icha icham̄n Nacom antobetsi bara Nacom j̄unt̄u coyene yaputane bapontha.

<sup>4</sup> Daxota equeicha pexaewa yabara paca tsi-paebatsi, po pexaewa jiwi tajeba ibo nacom̄n. Barapo pexaewa xuya ichamonae xane cotacaya. Waxainchi yaputainchi xua ibo nacom̄n jopa xaniwaicha xeinaeyo peayapus̄wa xua apara saya jiwi pecobetha forota. Jame nama ya-putainchi pepa Nacom, pon compa.

<sup>5</sup> Jiwi jume cow̄nta xua pinae pinmonae jinompa, pomonae nacom̄n, itabocotha, barapo cae pin nacuatheno. Barichino xua pinae pentacaponae wi jinompa itabocotha barapo cae pin nacuatheno.

<sup>6</sup> Nama waxainchi yaputainchi xua compa popona Nacom, pon Waxa. Daxita coyenein Nacom pia xainya werena tapichipapoinchi, bara bequein daxita baxuan Cristo forota Waxa nexa. Matautano Nacom naca cana exana pia watanacuichinexa bapon. Barichi meisa compa popona pon pepa jiwi Pecanamataxeinaein, bapon Jesucristo. Bapon Jesucristo daxita forota Nacom nexa. Waxainchi xeinatsi peaj̄unt̄u coyenes̄wa, po peaj̄unt̄u coyenes̄wa xua bapon naca cata.

<sup>7</sup> Ichamonae pomonae pejume cow̄ntsiwi Nacom, jopa yabara yaputaeyo xua ibo nacom̄n. Barapomonae awiya nanta xeina xua ibo nacom̄n peayapus̄wa xeina bequein anoxuae barapomonae jume cow̄nta Nacom. Barapomonae

bayatha pia cui xeina xua pexaewa tajebelba ibo nacomun. Barapomona abetha nanta xeina jeye: “Icha xaetsipan pewi po pewi ichamonae tajeba ibo nacomun metha neajuntucoyenebe cana exanaetsipa poxoru barapo pewi ibo nacomun piawa”, jei xua abetha nanta xeina. Bequein barapomona jume cowanta Nacom ichitha jopa yarutaeyo xua ibo nacomun pia pexaewa jopa itacupaetsi xua ajuntucoyenebe cana exanatsi barapomona icha jiwana xaetsipa barapo ibo nacomun pia pexaewa.

<sup>8</sup> Pexaewa jopa naca yawenaeyo xua wanajuntucoyene xanepana exanaewatsi xua daxota Nacom wanaca weyataewa tsane. Icha waxainchi nabunatsi pexaewa jopa naca yawenaeyo xua Nacom tsita juntu coyene xanepanatsi beyacaincha xua poxona jopa nabanaetsi. Barichi icha najainbotatsi baxua jopa naca yawenaeyo xua Nacom tsita juntu coyene xanepanatsi beyacaincha xua poxona nabunatsi.

<sup>9</sup> Paca itacupa xua paxaneme xua pocotsiwa painya neichichipaewa. Icha pajiwana xaneme po pexaewa jiwi tajeba ibo nacomun, baxua jopa paca tsita abeyo. Ichitha poxona paexaname baxua pomona ainya unthuton pexeinaewi, aena pejume cowantsiwixae, barapomona tsita ayapubetsi. Icha barapomona xaena barapo pexaewa painya neexanaewaxae bequein barapomona tsitatsi xua abe peexanaewi poxona xane barapo ibo nacomun pia pexaewa tatsi. Daxota painya xoba paexaname po coyene painya neichichipaewa.

10 Metha beya paca taetsipa pon pejume cowuntsin poxonae panabaname pexaewa po pexaewa jiwi tajebeiba ibo nacomæn poxonae wænæ jainteiba barapo ibo nacomæn. Iræn metha beya tsipae bapon naxaetsipa barapo pexaewa poxonae bapon paca jain tane. Paxam pomonae painya neyabara yaputaewi pam barapo pexaewa. Payaputaneme xua barapo pexaewa apara jopa itacpaetsi xua jiwi ajuntucoyenebe cana exanatsi. Ichitha pomonae ainya unthuton pexeinaewi aena pejume cowuntsiwixae jopa yaputaeyo baxua yabara icha paxam paichim. Barapomonae awiya nanta xeina jeye: “Icha barapo pexaewa xaein neajuntucoyenebe exanaena”, jei.

11 Ichacuitha paxaneme barapo pexaewa bequein payabara yaputaetham xua jopa abe paca cana exanaeyo. Painya neexanaexae baxua xua paxaneme barapo pexaewa daxota bichocono abe paexaname pontha pon ainya unthuton xeina, pon abetha nanta xeina, jeye: “Icha barapo pexaewa xaein neajuntucoyenebe exanaena”, jei. Daxota bapon payabara nanta xeinare xua apara iræn Cristo tsitæpa bapon icha ichi xua paca tsitæpa.

12 Pacata jopa abeyo xua poxonae paxaneme barapo pexaewa. Jame apara abe paexaname poxonae iræn xane barapo pexaewa pomonae ainya unthuton xeina. Poxonae abe paexaname barapomonaetha apara bara iræn abe paexaname Cristotha, tsipei apara barapomonae pomonae iræn pejume cowuntsiwixae Cristo.

13 Metha beya xaetsipan pewito pocotsi wito xua ichæn, pon iræn pejume cowuntsin yabara

nanta xeineiba xua jopa bapana xae po pewi xua jiwi tajebeiba ibo nacomun. Poxonae bapon nejain tane, bapon iru xane, najuntu coyene taxoba. Bapoxonae abe exana cana exanan. Daxota metha xanepanaetsipa icha bapana jopa xaetsipaein equeicha barapocotsi wito xua jopa taexanaewa xua bapon abe peexanaewa tsane.

## 9

*Meje po coyenein yabara pomonae Jesús pia peitorobi jiwi tatsi itacupaetsi xua peexanaewa*

<sup>1</sup> Tajuntu coyene jopa netsipaebiyo xua abe taexanaewa icha xaein barapo pexaewa xua jiwi tajeba ibo nacomun. Ichun jopa itacupaetsi xua yabara tana neitorobiwa barapo pexaewa tsipei xan Jesús pia peitorobi jiwi jiwana tatsin. Xan bara yatsicaewa tan Jesús, pon Wanacanamataxeinaein. Paxam pajume cowuntame Jesús daunweya tatanacuichixae pon jiwi Pecanamataxeinaein.

<sup>2</sup> Ichamonae jopa neyabara tsaqueinaeyo xua xan Jesús pia peitorobi jiwi jiwana tatsin. Jame paxam pana neyabara yaputaneme xua xan Jesús pia peitorobi jiwi jiwana tatsin. Painya nejume cowantsixae pon jiwi Pecanamataxeinaein ichamonae patsita itapeinya xeiname xua xan bara ponxaein Jesús tana neitorobin.

<sup>3</sup> Baraxua jume notan pomonaetha pomonae yabara neyainyaba xua pinae icha bara metha yatsicaewa pon Jesús tana neitorobin.

4 Barapomonaetha janje: Bernabé iru xan bara pana neitacupabe xua pata wecobe noteibi-wabe pocotsiwa xua jiwi pata necatsibiwabe pexaewa. Matautano pana neitacupabe xua pata wecobe noteibiwabe pocotsiwa paapan xua poxonae patanacuita ducanaebiyanbe Jesús.

5 Matautano icha jitha ecaetsipan bara neitacupaetsipa xua tabaru ponaewa taseuri icha Jesús pia peitorobi jiwi tatsi ichi xua itacupatsi xua peexanaewa baraxua xua piseuriwi baru warapa. Iruu barichi Jesucristo pon jiwi Pecanamataxeinaein pia peweicho jiwi tatsi baxua exana. Iru Pedro exana baxua xua piseuri baru pona.

6 Poxonae ichamonae paca tsipaeba Nacom Pejume Diwesi, payawename barapomona pocotsiwa penantawenonaewa. Paxanbe Bernabé iru xan panacuitanbe paxam nexa poxonae Nacom Pejume Diwesi paca tsipaebatsi. Ichitha jopa pana neyawenaem pocotsiwa panantawenonanbe. Paxanbe bewa panacuichinbe icha penacuitsiwa yawa pata comocaenexa pocotsiwa panantawenonanbe. Meisa paxanbe baxua paexananbe, ichamonae jopa daichiyo.

7 Soldadomonaepin poxonae ba naba pia pentacaponaein nexa jopa ba natamatomatsiyo pia pexaewa. Pon ba jame itoroba apata pexaewa pia soldadomona. Barichi pon ba uva pabi nacuita itacupatsi xua yawa uva cuei xaexaepona. Barichiru pon ba vaca yapu eena bapon ba itacupatsi mipi yuyucapona vaca xua peaponaenexa.

<sup>8</sup> Saya jopa meisa jiwi yabara nanta xeinaeyo baxua xua pon tanacuita itac̣patsi yawa xane. Apra iṛ Moisés pia peitorobi coyenewatha baxua yabara paebaṛ.

<sup>9</sup> Moisés tina po diwesi pia peitorobi coyenewathaxae, xua jeye: “Poxonae po duwein pon peẉn buey nanacuitapona xua pexu xu taxunaunabapona, bapoxonae pebin jopa copatsiyo xua pecoibo acatsiwa xua jopa pexaenexa. Saya bara copatsina xua yawa xaexaeponaena poxonae nacuitapona”, jei. Nacom jopa yabara paebiyo baxua xua saya meisa poxoru peyabara nanta xeinaexae buey. Jame saya apra poxoru peyabara nanta xeinaexae jiwi.

<sup>10</sup> Nacom pana necayabara j̣ta paeba poxonae buey yabara paeba. Baxua painta exana xua pata taneyawenaenexa. Pon ba nacobe weta xua ũba pabitha, iṛṛ pon xuya nota poxonae naweta, baponbe xeinaenabe pexaewa xua penawetsiwa.

<sup>11</sup> Paxan paca cuidubatsi Nacom Pejume Diwesi. Tsipei paca yawenatsi daxota bewa xuya pana necatsibim pocotsiwa xua panantawenonan xua pata jinompaewanexa.

<sup>12</sup> Paxam pacatsibame pocotsiwa xua nantawenona ichamonae pomonae Nacom Pejume Diwesi paca cuiduba, ichitha paxan paca yawenatsi beyacaincha xua barapomonae paca yawena. Daxota bewa pana necatsibeibim icha paca ẉqueibichipatsi beyacaincha xua pacatsibeibame ichamonae.

Ichitha baxua jopa paexanaeinyo xua pata caẉcaewatsi. Paxan bichocono paatanein xua jopa pata xeinaexae pocotsiwa xua pata



nantawenonaewa pata jinompeibiwane  
 bequein jopa paca wꞥqueibichi. Jopa paca  
 wꞥcaetsi tsipei jopa paichipaeinyo xua jopa  
 painya nejume cowantsiwa Cristo pia pexeinya  
 jume diwesi. Jopa paca wꞥcaetsi poxoru metha  
 pananta xeinaetsipame xua paxan apara pata  
 paratixichi paca tsipaebatsi Nacom Pejume  
 Diwesi.

<sup>13</sup> Paxam payaputaneme xua pomonae ba  
 nacuita Nacom pin pia botha barapomonae  
 ba apatatsi pexaewa Nacom pin pia botha.  
 Barichirꞥ pomonae ba nacuita ichaxota iboto  
 uncua po ibototha duwein bexuba xua tauta xua  
 petuxusi exanaenexa Nacom nexa barapomonae  
 ba itacꞥpatsi xua xuya penabanaewa barapo  
 duwein xua saya jiwana xane.

<sup>14</sup> Barichi Nacom pon jiwi Pecanamataxeinaein  
 jeye: “Pomonae inta nacuita xua paeba  
 dubenanaebiya tacapanenebiyae diwesi  
 jume, barapomonae apatatsi pexaewa  
 xua poxonae ichamonae apateiba be  
 pematomaqueibiwatsi tsipei barapomonae  
 cueicueijej tsurubenanaebiya tajume diwesi”,  
 jei Nacom.

<sup>15</sup> Ichitha jopa bapana wꞥcaeinyo jiwi xua  
 tana apatsinexa pexaewa xua be tanamatoma-  
 siwa. Pacata tinatsi xua jopa tapaca wꞥcaewatsi.  
 Ichichipan xua tatꞥpaewa tsane pewꞥnaeya xua  
 poxonae tapaca wꞥcaewatsi tsainchi. Bichocono  
 jꞥntꞥ coyene weiweinan poxonae tapaca tsipaebi-  
 watsi Nacom Pejume Diwesi. Yaitama jopa pana  
 necatsibeibim xua be pata tanematomaqueibi-  
 wam, daxota atsaquiya paca tsipaebatsi.

16 Jopa neitacupaeyo xua atsacan xua tacueicueijeixae Nacom pia pecapanenebiyae diwesi jume. Nacom neitoroba xua bewa tacueicueijejwa tsane barapo diwesi. Ichitha xan tsocuaein tsipae icha jopa cueicueijan tsipae barapo diwesi!

17 Bequein icha Nacom jopa neitorobichipae xua saya xan tacoutha tsipaebaponaetsipan Jesucristo pia pexeinya diwesi nexata ewatsipan xua jiwi tanematomatsinexa tacueicueijeixae barapo diwesi. Ichitha jame tsipaebaponan pexeinya jume diwesi Nacom tana neitorobixae. Jume cowantaponan be pocotsi coyeneya Nacom neitorobapona.

18 Daxota xua be tanematomatsiwa apara xua poxonae juntu coyene weiweinan tapaca tsipaebixaetsi barapo Nacom Pejume Diwesi bequein metha jopa pana catsibeibichipaem xua patanematomatsiwam, matautano metha poxonae bara tapanecatsibeibichipaem pocotsiwa tapanematomatsiwam. Paxam jopa pana necatsim pocotsiwa be pata nematomatsiwam. Jopa paca wucaetsi bequein bara neitacupa xua tapaca wucaewatsi pocotsi matoma bewa panecatsibeibim. Bara pocotsi matoma jiwi bewa catsina pomonaetha pomonae Nacom Pejume Diwesi tsipaebatsi xua pejinompeibiwa tsane.

19 Bequein jopa bewa amanaya tanacuichin tsane ichan, ichitha tacoutha nacana exanan be pon amanaya tanacuichin daxita jiwi nexa. Barapo coyene exanan xua pinmonae pejume cowantsinexa Cristo.

20 Poxonae poponan judiomonae pia xantha

tatsi, exana ducuaenaebiyān icha be barapo ju-  
diomonaē ichi xua exana dubenanaebiyā pocot-  
siwa Moisés itoroba pia peitorobi coyenewatha.  
Bara pocotsi coyenein exanan xua Moisés itoroba,  
bara bequein jopa bewa exanaein tsane. Saya  
exanan tsipei ichichipan xua tayawenaewa xua  
barapomonaē pejume cowantsinexa Cristo Jesús.

<sup>21</sup> Poxonaē poponan pexantha tatsi pomonaē  
jopa exanaeyo pocotsiwa Moisés pia peitorobi  
coyenewatha itoroba, bapoxonaē popona  
ducuaenaebiyān icha barapomonaē ichi xua  
jinompa dubenanaebiyā. Bapoxonaē jopa  
exanaeinyo pocotsiwa Moisés pia peitorobi  
coyenewatha itoroba, xua barapomonaē  
tayawenaenexa, xua pejume cowantsiwanexa  
Jesús. Jopa paca tsipaebichi xua tajume  
naitematsiwa Nacom xua tana neitorobiwa. Jame  
bara exanan pocotsiwa Cristo neitoroba.

<sup>22</sup> Poxonaē poponan pexantha tatsi pomonaē  
juntā coyene faefaena Nacomtha xua pejume  
cowantsiwa xua aena pejume cowantsixae bapox-  
onaē exana ducuaenaebiyān icha barapomonaē  
ichi xua exana dubenanaebiyā tayawenaenexa  
xua equeicha bichocono mataropeicha pejume  
cowantsiwanexa Jesucristo. Daxita carepaya ji-  
witha peitātha poponeiban, poxonaē be pocotsi  
coyeneya jinompeiba barapo jiwi tayawenaenexa  
xua equeicha bichocono mataropeicha pejume  
cowanteibinexa Jesucristo.

<sup>23</sup> Daxita baxuan exana ducuaenaēbeiban tacue-  
icueijeī tsaibinexa Nacom pia pecapanenebiyāe  
diwesi jume, matautano tsipei ichichipan xua  
tajuntā coyene weiweinaewa tsane poxonaē bara-

pomonae jume cowantsina Jesucristo.

<sup>24</sup> Paxam payaputaneme poxonaе jiwi ba namtotha cuinaepona saya caein meisa copiya patopa. Bapon ba catatsi pocotsiwa pematomatsiwatsi copiya pepatopaexae xua beta cuinaepona. Bara pocotsi jata coyeneya ichi, beta pata exanaponde Jesucristo pia petanacuichiwa tatsi xua painya nepaca catsibinexa xua painya nepaca matomacaewan.

<sup>25</sup> Pomonaе ba xua nacui wunaeta xua penaxenacaenexa ichawa jopa exanaeyo pocotsiwa taayapubetsi poxonaе pecuinaeponaenexa. Barapomonaе ba baxua exana pia xeinaetsi pocotsiwa pecui yabara matomacaewatsi. Barapo pentoma noxu tepa pocotsiwa xua saya caena naxuba xua weraweraca. Nama waxainchi beta exanapoinchi Nacom pia petanacuichiwa tatsi, xua Nacom wanaca catsibiwa tsane pocotsiwa wanaca yabara cui matomacaewa, pocotsiwa xua ataya ayapusu xua jopa weraweracaeyo.

<sup>26</sup> Daunweya exanaponeiban Nacom pia petanacuichiwa tatsi be poxonaе xua bichoina cuinaeponan xua tatoxeincha patopaewa. Jopa exanaeinyo icha ichi xua pon naitacueinchiya jiraba.

<sup>27</sup> Ichitha nama seicayiya exanan xua tapepon daunweya tacoya naitoroban xua daxota jopa abe exanaeinyo. Tapepon itoroban xua tana nejume cowantsiwa xua peexanaewa pocotsiwa itoroban. Antayapusuya tanacuitan Nacom tajunuwixae xua jopa beta taexanaewa xua bequein bara ichamonae cuidubithan barapo coyenein. Icha jopa beta exanaeinchipae Na-

com jopa tsita xanepanaeinchipae xua daxota taneitawetsiwa tsipae.

## 10

*Meje xua Pablo muxuweta pomonae wɥnae jainta ibo nacomɥn*

<sup>1</sup> Tamonae pam, paxam pomonae irɥ painya nejume cowɥntsiwixae Jesucristo. Ichichipan xua painya neyaputaewa tsane po coyene xua poxonae wamo susato jiwitha pecana exanaewatsi. Barapomonae Egipto nacua weya pona. Barapoxonae tsaquinaebowa matatsun dubenapoinchi. Barapo tsaquinaebowa barapomonae matacapoinchi xua ichaxota ichichipa peponaewa barapomonae. Daxita barapomonae icha muxunene beera ɥncababiya po pin pucua pewɥn Mar Rojo wɥn pucua. Barapo pin bicheito epataɥta iyapona xua poxonae Nacom tsewa taexaniya xua be namto taexaniya.

<sup>2</sup> Barapomonae tsaquinaebowa be caemonae matatsun dubenapoinchi. Mataɥta barapomonae be caemonae Mar Rojo wɥn pucua epataɥta iya pona. Barapoxonae be caemonae naexana Moiestha xua Moisés pematacapanaenexa barapomonae. Barapomonae barapocotsi jɥta coyeneya exana icha be poxonae jiton ichi xua poxonae bautisabatsi mentha caemonae penaexanaenexa Cristotha, xua Cristo pecanamataxeinaenexa bapontha.

<sup>3</sup> Daxita barapomonae xane po pexaewa Nacom taitorobica itaboco wetsica.

<sup>4</sup> Yawano barapomonae apa po mera xua Cristo itoroba ira xuepana susato tsurucuae nacuaatha.

Barapo mera iboton weya mene pichapa. Cristo barapo mera apatapona poxonaе yanta xua barapomonaе yantatsi.

<sup>5</sup> Daichitha pin bicheitomonaе xua barapomonaе jiwana jopa exanaeyo pocotsiwa Nacom ichichipa. Daxota Nacom copata xua barapomonaе bara pejiwana werapaponaewa tsane barapo ira xuepana susato tsurucuae nacuatha.

<sup>6</sup> Baxua exana xua nacata yabara canaṁta jṁtsiya exana. Jopa bewa waichichipaewa tsainchi pocotsiwa jopa nacata wṁnaeyo xua icha barapomonaе ichi poxonaе pia coutha abe nata exana.

<sup>7</sup> Daxota jopa bewa wṁnae pajainchim ibo nacomṁn icha be barapomonaе jiwana ichi. Barapomonaе wṁnae jainta ibo nacomṁn. Nacom Pejume Diwesitha barapomonaе yabara jeichi: “Barapomonaе ena xua pexaenexa yawa xua peapaenexa. Bapoxonaе yatsicaewa barapomonaе nawiraba ibo nacom tsita nawirabatsi”, jei Nacom Pejume Diwesitha.

<sup>8</sup> Waxainchi jopa bewa exanaetsi xua nasi cui weiweina exanatsi icha be barapomonaе jiwana ichi. Barapomonaе jiwana nasi cui exana yabṁxitha xua jopa piseurixi. Daxota caentaqueitha veintitrés mil pebiwi werapa abe peexanaexae.

<sup>9</sup> Mataṁtano jopa bewa najṁntṁ coyene jṁjṁta exanaetsi Nacomtha xua wanaca barṁ anaepanaenexa, icha barapomonaе jiwana ichi. Barapomonaе najṁntṁ coyene jṁjṁta exana Nacomtha. Daxota Nacom copata xua barapomonaе werapa poxonaе jomon sinebatsi

barapomonae.

<sup>10</sup> Jopa bewa Nacom anaepanaya barꝥ paebichi, icha be barapomonae jiwana ichi. Barapomonae Nacom anaepanaya barꝥ paebatsi, daxota Nacom copata xua barapomonae weraweraca poxonae matatsunpin juteba po matatsunpin jiwi pejutebin.

<sup>11</sup> Nacom exana daxita baxuan barapomonae aetha, xua wanaca muxuweta exanaenexa xua jopa waraichiwanexa icha barapomonae ichi. Moisés yabara tina barapomonae xua yaputane wanaca exanaewa xua bara nama imoxoyo barapo nacue weraweracaena.

<sup>12</sup> Daxota tsipaeban pon paxam jiwana pam pon xua nayabara nanta xeina xua pinae bichocono pejume cowantsixae peajuntꝥcoyenesꝥwa xeina Nacomtha. Janje: “Dota jinya xoba abe exaname. Poxoru icha metha nanta xeinaetsipame xua jopa abe exanaem, bapoxonae metha abe exanaetsipame”, jan.

<sup>13</sup> Jopa meisa paxam caurimonae pia pentacaponaein tatsi paca juntꝥ coyene jꝥjꝥtsiyo. Barapara irꝥ ichamonae pomonae pejume cowantsiwi barichichi juntꝥ coyene jꝥjꝥtatsi abe peexanaenexa. Paxam paca itacꝥpa xua pajuntꝥ coyene amanayabame barapo caurimonae pia pentacaponaein tatsi. Baraxua paexaname icha barapomonae ichi xua juntꝥ coyene amanayaba barapo caurimonae pia pentacaponaeintha tatsi. Daichitha paca itacꝥpa xua payabara jume cowantame Nacom xua bara bapon paca yawenaena. Nacom jopa copatsiyo xua caurimonae pia pentacaponaein tatsi bichocono

paca juntu coyene jujutsina xua pocotsiwa bichocono pacata ayapube xua daxota abe painya neexanaewa tsane. Ichitha poxonae caurimonae pia pentacaponaein tatsi paca juntu coyene jujuta, Nacom paca yawenaena xua painya nerucupaewa bapon weya xua daxota jopa abe painya neexanaenexa.

<sup>14</sup> Tamonae pam paxam pomonae iru painya ne-jume cowantsiwixae Jesucristo. Paxam pomonae tapaca caantobe jiwichi pam. Painya xoba wnae pajaintame ibo nacomun.

<sup>15</sup> Paca tsipaebatsi paxam pomonae painya neyaputae jiwi pam. Paxam payaputaneme xua painya neyabara nanta xeinaewa pocotsiwa paca tsipaebatsi icha metha bara xaniwaicha paeaban.

<sup>16</sup> Waxainchi nacaetutatsi wayabara jantanainaenexa xua Cristo wanaca tsitupaewa naetotha. Bapoxonae apatsi vino mera yawa xainchi pan. Barapo vino mera Cristo pia pejana tatsi yabara caunutatsi. Matautano barapo pan Cristo pia pepon tatsi yabara caunutatsi. Poxonae apatsi barapo vino mera Nacom tsipaebatsi barapo vino mera nexa po vino mera tsijunta eca corotiyotha. Jeichichi: “Maisa Nacom painta pexeinya coyene exaname”, jeichichi. Bapoxonae be caemonae naexainchi Cristotha waapaexae barapo vino mera. Barichi poxonae pan janacatsi be caemonae naexainchi Cristotha waxaexae barapo pan.

<sup>17</sup> Bequein waxainchi pinmonaetsi xua cae pan nabaru xainchi, ichitha waxainchi be caemon-aetsi bapon Cristotha tsipei bara cae pan nabaru xainchi.



18 Payabara nanta xeinare xua judiomonaе pomonaе Israel nacuamonaepiwi. Barapomonaе judiomonaе xane po duwein ichamonaе tauta xua petuxusi exanaewa Nacom nexa. Bapoxonaе barapomonaе be caemonaе naexana Nacomtha.

19 Jopa apara paca tsipaebichi xua ibo nacom xeina peajuntuyarusɁwa. MataɁtano jopa paca tsipaebichi xua po wi jiwi tajeba ibo nacomɁn ainya cui barapo wi beyacaincha xua icha pewi.

20 Paca tsipaebatsi xua jiwi tajeba pewi ibo nacomɁn pomonaе jopa yaputaeyo Nacom. Barapomonaе tajeba barapo pewi caurimonaе. Jopa apara tajebyo Nacom. Jopa ichichipaeinyo xua caemonaе pana naexaname caurimonaе pijimon-aetha. Metha baraxua paexanaetsipame poxonaе panabarɁ xaneme pomonaе nacaetuta pexaenexa po wi jiwi tajeba ibo nacomɁn.

21 Paxam panabaname pon jiwi Pecanamataxeinaein pia penabanaethopaewatha tatsi yawa xua paapameno. Jopa paca itacɁpaeyo xua panabaname yawa xua paapameno ichaxota exanompa cauri pia cui coyene pomonaе jopa pejume cowɁntsiwi.

22 Icha waxainchi wɁnae jaintatsi caurimonaе poxonaе xainchi po pewi jiwi tajeba ibo nacom bapoxonaе waxainchi exanatsi xua pon jiwi Pecanamataxeinaein naca caseba pia wanaca asiwixae. Waxainchi jopa xeinaetsi po peayarusɁwa xua bichocono daunwei xua beyacaincha Nacom.

*Meje xua Pablo yabara paeba xua bewa jiwi yabara nanta xeinae pewi poxonaе xane*

23 Baraxua bequein xainyei poxonae jiton jeye: “Neitacapa xua taexanaewa pocotsiwa ichichipan”, jei bapon. Daichitha jopa daxita nacata wunaeyo xua pocotsiwa exanatsi. Bequein waxainchi naca itacapa xua waexana dubenanaebiyaewa pocotsiwa xua waichichipaewatsi. Daichitha daxita baxuan jopa naca yawenaeyo xua wajume cowanta dubenanaebiyaewa Jesús.

24 Jopa bewa payabara nanta xeinaem xua saya painya coutha nexa xua painya nenayawenaenexam. Jame bewa payabara nanta xeinaem xua apara iru ichamonae painya neyawenaenexaru.

25 Po pewi pacomoqueibame po wi jiwi cae-naeta pecaenaetsi bontha, painya xoba matha payabara yainyabeibame barapo pewi. Jopa payainyabinde icha metha xua apara po wi bay-atha jiwi tajeba ibo nacom. Jame bara saya itatemaya paxaibare. Xain bapoxonae painya juntu coyene jopa paca tsipaebiyo xua apara abe paexaname.

26 Nacom Pejume Diwesitha jeye: “Barapo cae pin nacue yawa xua xuan xeina barapo cae pin nacuathe Nacom pon Pecanamataxeinaein bapon piawan”, jei Nacom Pejume Diwesitha.

27 Poxonae jiton pon jopa pejume cowantsin Jesús, paca tsiwaba pexaewa xua pia paca baru xaetsi, icha paichichipame moya pana napuna xaema. Paxaema pocotsiwa xua pexaethopaewatha bobena. Jopa payabara yainyabinde barapo pexaewa icha metha barapo pewi ibo nacom werena capona. Xain bapoxonae

painya jũntũ coyene jopa paca tsipaebiyo xua apara abe paexaname.

<sup>28</sup> Ichacuitha metha ichũn paca tsipaebichipa, xua jeye: “Apara barapo pewi jiwi tajeba ibo nacom poxonae wũnae jainta barapo ibo nacomtha”, jei bapon. Bapoxonae painya xoba paxaneme barapo pewito. Tsipei icha barapo pewi pajiwana xaename abe exana pacana exaname pontha pon xua yabara paca tsipaeba barapo pewi. Poxoru ichamonae pomonae pejume cowũntsiwi Nacom, yabara nanta xeina xua apara jiwi abe exana icha barapo wi xane. Daxota bapon junuwa xua abe exana icha pexaewa tsane barapo pewito. Icha jopa baxua peitũtha paexanaem tsane bapoxonae bapon jũntũ coyene xanepanaya poponaena Nacomtha.

<sup>29</sup> Yabara paca tsipaebatsi po coyene xua ichũn yabara nanta xeina barapo pewi pejũntũ coyenewatha. Jopa apara yabara paca tsipaebichi po coyene paxam xua payabara nanta xeiname barapo pewi painya jũntũ coyenewatha.

Ichitha metha ichũn neyainyabichipa, jei tsipae: “¿Eta pocotsiwa metha nantawenonan xua taexanaewa pocotsiwa ichũn yabara nanta xeina barapo pewi?” jei tsipae.

<sup>30</sup> Equeicha metha bapon jei tsipae: “Poxonae pexaewa nabanen Nacomtha tsipaeban barapo pexaewa nexa, janje: Nacom, maisa jũntũ coyene weiweinan xua barapo pexaewa tanecatsiwam, jan. Icha baxua exanan ¿eta pocotsiwa metha nexata ichamonae abe neyabara paeba poxonae xan barapo pexaewe?” jei tsipae.

<sup>31</sup> Yabara paca tsipaebatsi baraxuan daxita

xua xuan painya neapaewan yawa daxita xua xuan painya nenabanaewan yawa daxita icha coyeneinno xua xuan painya neexanaewan daxita bara pocotsi coyenein beta paexaneibare xua daxota poxonae jiwi paca cui taibina bapoxonae jiwi wɥnae jainteibina Nacom.

<sup>32</sup> Jopa paexanaeinde pocotsiwa xua abe paexaname xua pocotsiwa daxota ichamonae jɥpa exanaena. Baraxua jopa paexanaeinde judiomonaetha, irɥ pomonaetha pomonae jopa judiomonaenaexanaeyo, irɥ pomonaetha pomonae Nacom pejume cowɥntsiwichi jiwamonae.

<sup>33</sup> Xan ichichipan beta taexanaewa po coyene xua ichamonae tsita xanepanatsi. Jopa exanaeinyo pocotsiwa xua tacoutha taichichipaewa. Saya meisa beta exanan po coyene ichamonae tsita xanepanatsi xua po coyenewatha barapomonae peyawenaenexatsi xua pecapanenebiyaenexatsi abe pia peexanae cuiru coyenein weya.

## 11

<sup>1</sup> Paexanaponde icha be pocotsi coyeneya ichin poxonae exanaponan, tsipei exanan pocotsiwa Cristo exanapona.

*Meje xua Pablo yabɥxi yabara paeba powaxi poxonae ena penacaetutsi botha xua poxonae wɥnae jainta Nacom*

<sup>2</sup> Tamonae pam paca weyatainchi tsipei paneyabara nanta xeinaponame xua daxita coyeneyatha. Paxam paexana dubenanaebiyame pocotsiwa xua paca cuidubatsi.

<sup>3</sup> Ichitha ichichipan xua painya neyaputaewa xua Cristo canamataxeina daxita pebiwitha. Barichir<sub>u</sub> daxita pebiwi barompaya piseuriwi canamataxeina. Barichi Nacom Cristo canamataxeinatsi.

<sup>4</sup> Icha pebin nantasipa acata poxonae Nacomtha tsipaeba xuano poxonae cueicueijeji Nacom Pejume Diwesi, barapon Cristo jopa bar<sub>u</sub> cui itura jinaetsi. Saya pia coutha ainya cui nacana exana.

<sup>5</sup> Jame icha yab<sub>u</sub>yo jopa nantasipa acatsiyo xua poxonae cueicueijeji Nacom Pejume Diwesi, xuano poxonae Nacomtha tsipaeba, bapowa pia pebin jopa bar<sub>u</sub> cui itura jinaeyo poxonae jopa nantasipa acatsiyo paparuwatha. Bapowa tsita itapeinya xeina xua jopa exanaeyo pocotsiwa pia pebin itorobatsi. Baraxua j<sub>u</sub>pa icha be poxonae ichi xua daxita matana sibatsi abe peexanaexae.

<sup>6</sup> Icha jopa yab<sub>u</sub>yo nantasipa acatsiyo bewa barapowa daxita nanta sibina. Ichitha icha barapowa aura xua penanta sibiwa daxota bewa nanta acatsina.

<sup>7</sup> Poxonae Nacom exana pebin barapo pebin Nacom cui j<sub>u</sub>patsi. Daxota barapo pebiwi xeinar<sub>u</sub> barapo pecanamataxeinae coyenewa po coyenewa Nacom xeina. Pebin jopa bewa nantasipa acatsina poxonae Nacomtha tsipaeba, xuano poxonae Nacom Pejume Diwesi cueicueijeji xua daxota pebar<sub>u</sub> cui itura jinaenexa xua Nacom pebar<sub>u</sub> cui itura jinaenexatsi. Ichitha yab<sub>u</sub>yo bewa bar<sub>u</sub> cui itura jinae pia pebin, tsipei pia pebin canamataxeinatsi.

<sup>8</sup> Poxonae Nacom forota jopa Nacom exanaeyo pebin yab<sub>u</sub>yo weya. Saya jame Nacom exana

yabũyo pebin pexainya weya tatsi.

<sup>9</sup> Nacom jopa forotsiyo xua pebin yabũyo tsiexanatsi. Jame Nacom forota xua yabũyo pebin tsiexanatsi.

<sup>10</sup> Daxota yabũyo bewa nanta acatsina penacae-tutsi botha. Bapoxonae bapowa tsita itapeinya xeina matatsunpiwimonaetha xua bapowa baru cui itura jina pia pebin pecanamataxeinaexaetsi.

<sup>11</sup> Daichitha pomonae Nacom pejume cowantsiwixae, pebin nantawenona yabũyo, irũ yabũyo nantawenona pebin.

<sup>12</sup> Bequein Nacom exana yabũyo pebin peyene weya tatsi, ichitha pebiwi ba nowaeumenapona yabũxi weya. Barapo naxobe coyenewabe Nacom forota, pebin yawa yabũyo.

<sup>13</sup> Pananta xeinare xua icha bara xaniwaicha xua yabũyo jopa nanta acatsiyo poxonae Nacomtha tsipaeba penacae-tutsi botha xua poxonae wũnae pejainchinexa Nacom.

<sup>14</sup> Wacui coyenewa ba naca yaputane exana xua pebiwichi jopa bewa antanapiya naexanaetsi. Baxota ba aura naca exana.

<sup>15</sup> Barichirũ wacui coyenewa ba naca yaputane exana xua yabũxi wũnae exana poxonae nantana copaba xua antanapiya. Bapoxonae yabũyo pia pentanantha nantasipa acata.

<sup>16</sup> Pon ichichipa xua yabara pana nejume matsontsonoba baxuan, pajanje bapontha: “Barapo coyene pacuiduban. Mataũta daxita penacae-tutsi bonmonae jiwi pomonae Nacom pejume cowantsiwi peburũya pana nabarũ jurũya nanta xeinan tsipei icha coyene jopa payaputaeinyo”, pajan.

*Meje xua Pablo yabara paeba xua abe exana pomonae pejume cowantsiwi Nacom poxonae nainya xane po penabanaewa cayabara nanta xeina xua Jesús pia petsitupaewa jiwi*

<sup>17</sup> Pacata tinatsi anoxuae xua po coyenein yabara xua jopa tana neitacupaewa xua tapaca tsipaebiwatsi xua beta painya neexanaewa. Bequein pana nabaru nacaetutame ichitha painya juntu coyene jopa paca cana exanaeyo xua paayapusu tsoponaem. Maisa apara abe paexaname.

<sup>18</sup> Copiya matha paca tsipaebatsi janje: “Ichun netsipaeba xua pinae poxonae pana nabaru nacaetutame, wuna painya nejainchinexa Nacom, pinae ainyamonaein tsanaya pana natsabame. Bapoxonae pinae pana najume matsontsonobame”, jan. Nanta xeinan xua apara xainyei po coyene ichamonae netsipaeba xua paca yabara paeba.

<sup>19</sup> ¡Moya ainya bicheiton pana naexande xain bapoxonae pana najume matsontsonobame! ¡Xain bapoxonae ichamonae tane xua ichamonae petaenexatsi pomonae jopa iru najume matsontsonobiyo pomonae xua beta peexanaewi!

<sup>20</sup> Bequein pana nabaru nacaetuteibame xua painya xaenexa pexaewa poxonae pacayabara nanta xeiname xua pon jiwi Pecanamataxeinaein paca tsitupa, daichitha saya paxaneme. Apara jopa pacayabara nanta xeinaem barapo coyene.

<sup>21</sup> Daxita paxam carepaya barompaya pia pexaewa nainya xane. Jopa pawuna ewateibim ichamonae xua painya nenabaru xaenexa. Daxota ichamonae jainpa pomonae cotacaya pata. Ichamonae bichocono tonsana beya poxonae nacupa

exana peatsaxa meran xua apa poxonae muxuna xane pexaewa.

<sup>22</sup> Apará paxeiname painya bon ichaxota paca itacupa xua pana napena jubame. Baraxua be paichaxaibim pomonae Nacom pejume cowantsiwichi pomonae penacaetutsi bomonae jiwi poxonae baxua paexaname. Aura paexaname pomonaetha pomonae peacopeibiwi pomonae jopa itacupaetsi xua capana pexaewa, pomonae cotacaya pepatsixae. ¿Eta paca yabara jumichicuae tsainchi? Paca yabara jei tsainchi: ¿Bara beta xanepanaya paexaname jan tsane? ¡Jume! Baxua jopa neitacupaeyo xua tapaca yabara paebiwatsi.

*Meje xua Pablo yabara cuiduba pexaewa po pexaewa poxonae jiwi cayabara nanta xeina Jesús (Mt 26.26-29; Mr 14.22-25; Lc 22.14-20)*

<sup>23</sup> Po coyene xua paca cuidubatsi baxua copiya Nacom necuiduba. Paca jeichi: Po merawitha Jesús caenaetatsi pon jiwi Pecanamataxeinaein, barapo merawitha Jesús pan pita pecobetha.

<sup>24</sup> Poxonae najume weta xua paxa tsipaeba xua jei: “Axa maisa juntu coyene weiweinan xua tanecatsiwam pan”, jei, bapoxonae pan epa janaca. Bapon barai pijimonae jeye: “Panore pan yawa paxaemano. Barapo pan neyabara caunuta xua tapepon. Tapepon inta atene exanaeinchi painya nepaca cayawenaenexa tsane xua painya tanejume cowantsiwaxaem tsane. Poxonae baxua paexaneibame xua paxaibame panecayabara jantanaineibare painya juntu coyenewatha”, jei Jesús xua pijimonae tsipaeba.



25 Barichiya exana poxonae najain weta. Bapoxonae corotiyō pita pecobetha yawa jeye: “Pena petsiwanae muxu dutsi coyenewa paca tsipaebatsi. Barapo uva mera po mera xua corotiyōtha tsijunta eca, barapo uva mera yabara caunuta tajana xua jana othoparenaein poxonae t̄paein. Barapo jana tsita itapeinya xeinaena xua jiwi pinmonae yabara j̄ntemainaein abe pia peexanae cuiru coyenein tatsi. Daxita coyeneintha poxonae baxua paexaneibame xua paapeibame barapo uva mera, bapoxonae panecayabara j̄ntanaineibare painya j̄nt̄u coyenewatha xua tapaca catsit̄paewaxaetsi”, jei Jesús, xua pijimonae tsipaeba.

26 Daxita tsaibi poxonae paxaibame pan yawa paapeibameno barapocotsi uva mera xua tsijunta eca corotiyōtha, jiwi patsita itapeinya xeiname xua Cristo pacui yabara j̄ntanainame xua painya nepaca tsit̄paewa. Baxua paexaneibare beya poxonae equeicha Jesús patopaetsica, pon jiwi Pecanamataxeinaein.

*Meje yabara xua poxonae jiwi bewa beta exanae xua poxonae xane po pexaewa poxonae cayabara nanta xeinatsi Jesús*

27 Pon xane barapo pan xuano apa barapo uva mera xua tsijunta eca corotiyōtha xua Jesucristo cayabara nanta xeinatsi icha bapon jopa j̄nt̄u coyene xanepanaeyo Nacomtha, apara abe exana Cristōtha. Bapoxonae bapon Nacom tsita xeinatsi xua penatsicuentsiwa xua abe peexanaexae Cristo pepontha tatsi xuano xua pia pe-

janathano tatsi tsipei bapon jopa baru cui itura jinaeyo barapo coyene.

<sup>28</sup> Daxota daxita jiwi bewa barompaya matha pewanaeya najuntu coyene cayabara nanta xeinaena. Barapo jiwi bewa nanta xeinaena icha metha bara xanepanaya exana beya poxonae xaena barapo pan xuano poxonae apa barapo uva mera xua tsijunta eca corotiyotha.

<sup>29</sup> Pon xane barapo pan xuano xua apa barapo uva mera xua tsijunta eca corotiyotha xua Jesu-cristo peyabara xaenexa ichacuitha bapon natsicuenta Nacomtha abe peexanaexae. Bapon natsicuenta Nacomtha tsipei matha jopa yabara nanta xeinaeyo barapo pexaewa xua apara bichocono ainya cui coyenewa xeina beyacaincha icha pexaewa.

<sup>30</sup> Daxota pinmonae pajiwana atenem xuano jopa xeinaeyo peajuntu yapusawa. Daxota icha-monae bayatha pajiwana werapame.

<sup>31</sup> Poxonae apatsi uva mera xuano poxonae xainchi pan po pexaewa poxonae Cristo cayabara nanta xeinatsi, matha bewa najuntu coyene cayabara nanta xeinaetsi, xua icha metha bara wnae waexanaewa. Baroxonae xain Nacom jopa naca atene exanaeyo xua wanatsicuentiswaxae xua abe waexanaexae.

<sup>32</sup> Bequein baxua Nacom nacata exana wanaca cuidubinexa xua equeicha xanepanaya waexanaenexa tsane. Nacom baxua nacata exanaena xua jopa wanaca yabara jeinexa: “Paxam abe paexaname icha ichi pomonae jinompa barapo cae pin nacuathe pomonae bichocono abe peexanaewi, pomonae jopa pejume cowantsiwi”, xua

jopa pewanaca yabara jeinexa.

<sup>33</sup> Daxota tamonaē pam poxonaē pana nacaetutame xua painya nabar<sub>u</sub> xaenexa po pexaewa xua poxonaē Jesucristo cayabara nanta xeinatsi, matha ab<sub>u</sub> ichamonae paewateibare.

<sup>34</sup> Icha ich<sub>u</sub>n jainpa b<sub>u</sub> bapon matha pia botha xane pew<sub>u</sub>naeya xua poxonaē napatopaena penacaetutsi botha xua poxonaē w<sub>u</sub>nae jainta Nacom. Bapoxonaē itac<sub>u</sub>patsi xua bapon penaxaewa po pexaewa poxonaē Jesucristo cayabara nanta xeinatsi. Bapoxonaē Nacom jopa peraxa j<sub>u</sub>bi tsane bapon xua abe peexanaexae poxonaē nanacaetuta pomonaetha pomonaē Nacom pejume cow<sub>u</sub>ntsiwichi. Poxonaē paca siwa ponaeinchi xua tapaca taenexa tsainchi, bapoxonaē paca cuidubinchi pocotsiwan xua yabara pana neyainyabame.

## 12

*Meje xua pej<sub>u</sub>nt<sub>u</sub> cui coyenein yabara po pej<sub>u</sub>nt<sub>u</sub> coyenein Nacom pia Pejumope t<sub>u</sub>nax<sub>u</sub> tatsi amanya cata daxita carepaya pomonaetha pomonaē Nacom pejume cow<sub>u</sub>ntsiwichi*

<sup>1</sup> Tamonaē pam, paxam pomonaē ir<sub>u</sub> painya nejume cow<sub>u</sub>ntsiwixae Jesucristo. Yabara paca tsipaebatsi po coyene ichichipan xua painya neyaputaewa. Nacom pia Pejumope t<sub>u</sub>nax<sub>u</sub> tatsi cata pej<sub>u</sub>nt<sub>u</sub> cui coyenein daxita barompaya carepaya pomonaetha pomonaē Nacom pejume cow<sub>u</sub>ntsiwichi.

<sup>2</sup> Paxam payaputaneme xua abe paexaname pew<sub>u</sub>naeya poxonaē pajume cow<sub>u</sub>ntame. Pacopatame xua bara ichamonae ichawa beya paca

matacapona xua wɔnae painya nejainchinexa ibo nacomɔn, po ibo nacomɔn jopa cueicueijeiyɔ.

<sup>3</sup> Daxota ichichipan xua painya neyaputaewa tsane xua poxonae jeye: Dapocotsin aibi, pon itacɔpatsi xua jeye: “Jesús apara jopa Nacom Pexanto tatsi”, xua poxonae jei, icha bapon xeina Nacom pia Pejumope tɔnaxɔ tatsi pia peayapusɔ itorobi coyenewa tatsi. Barichi dapocotsin aibi pon itacɔpatsi xua poxonae jeye: “Bapon Jesús apara pon jiwi Pecanamataxeinaein”, xua poxonae jei, icha bapon jopa xeinaeyo Nacom pia Pejumope tɔnaxɔ tatsi pia peayapusɔ itorobi coyenewa tatsi.

<sup>4</sup> Jiwi itacɔpatsi xua daxita carepaya barompaya pexeinaewa ainya jɔntɔ cui coyenein pomonae pejume cowɔntsiwixae Nacom. Barapo jɔntɔ cui coyenein jopa nacui coyene jɔpaeyo. Bequein daxita jiwi xeina barapo coyenein daichitha bara saya compa pon pecatsixae apara bapon Nacom pia Pejumope tɔnaxɔ tatsi.

<sup>5</sup> Jiwi pomonae pejume cowɔntsiwixae Nacom, itacɔpatsi xua daxita carepaya barompaya pexeinaewa ainya petanacuichi coyenewan Nacom nexa. Ichitha meisa saya bapon Nacom compa pon jiwi Pecanamataxeinaein daxitatsi waxainchi tanacuitatsi bapon.

<sup>6</sup> Jiwi pomonae Nacom pejume cowɔntsiwixaetsi itacɔpatsi xua pexeinaewa ainya cui coyenein po coyeneinya xua Nacom petanacuichiwatsi. Ichitha daxita barapo coyenein jopa nacui coyene jɔpaeyo. Saya compa Nacom pon daxita barapo jiwi cana exanatsi xua peexanaewa daxitan barapo coyeneinyatha.

7 Nacom pia Pejumope t̃nax̃ tatsi tsita itapeinya xeina Nacom pia peayapus̃ itorobiwa tatsi. Baxua exana poxonae Nacom barompaya naca cana exana xua beta waexanaewa wayawenaenexa tsane daxita jiwitha.

8 Ichamonae jiwanatha, Nacom pia Pejumope t̃nax̃ tatsi cata pej̃nt̃ cui coyenewa xua po coyene barapomonae pej̃nt̃ coyenetha beta yaputane xua peexanaenexa pocotsiwa pecueicueijej̃wa ichamonaetha. Barichi ichamonae jiwanatha Nacom pia Pejumope t̃nax̃ tatsi cata pej̃nt̃ cui coyenewa po coyene xua beta pecuidubiwa po coyene peyaputaewa xua daunwei yabara yaputane pecana exanaenexa xua ichamonae yabara yaputane pecana exanaenexatsi.

9 Ichamonae jiwanatha Nacom pia Pejumope t̃nax̃ tatsi cata peyabara jume cow̃nt̃s̃i coyenewa xua daxota bapomonae nanta xeina xua bara itac̃p̃atsi xua peexanaewa daxita coyenein xua Nacom itoroba xua bapomonae peyawenaexaetsi Nacom. Barichi ichamonae jiwanatha Nacom pia Pejumope t̃nax̃ tatsi cata xua po coyenewatha peatenewi axaibi peexanaewatsi.

10 Ichamonae jiwanatha, Nacom pia Pejumope t̃nax̃ tatsi cata po coyenewatha pexeinya petsita it̃tsi coyene peexanaewa. Ichamonae jiwanatha, Nacom pia Pejumope t̃nax̃ tatsi cata po coyeneya xua pecueicueijej̃wa Nacom Pejume Diwesi. Ichamonae jiwanatha Nacom pia Pejumope t̃nax̃ tatsi cata po coyeneya beta peyaputaewa xua po coyene poxonae Nacom pia Pejumope t̃nax̃ tatsi jiwi cueicueijej̃ exanatsi

yawa po coyene poxonae jiwi cueicueijeji exanatsi caurimonae. Ichamonae jiwana<sup>na</sup>tha Nacom pia Pejumope <sup>t</sup>unaxu tatsi cata po coyeneya xua ichamonae pecueicueijejiwa icha jumeintha, po jumein bequein jopa nacuidubiyo. Ichamonae jiwana<sup>na</sup>tha Nacom pia Pejumope <sup>t</sup>unaxu tatsi cata po coyeneya xua barapomonae xuya jume yaputane exana po jumein xua ichamonae paeba po jumein xua ichamonae bequein jopa nacuidubiyo.

<sup>11</sup> Daxita barapo juntu<sup>u</sup> coyenein exana ducua-naebiya pon Nacom pia Pejumope <sup>t</sup>unaxu tatsi. Barapo jumope daxita coyenein meisa compa exana, po jumope Nacom pia Pejumope <sup>t</sup>unaxu tatsi. Barapo pejumope daxita carepaya jiwitha cata icha be pocotsi coyeneya barapo jumope pe-ichichipaexae xua pecatsiwa.

*Meje yabara xua daxitatsi be caemonaetsi Jestsutha*

<sup>12</sup> Pepon bequein caein ichitha nawita xeina xua pia pecueyabiwatsi, petaxube, pesitobeno, pemaxubeno yawa ichawanno. Barapo pepon pecueyabiwatsi bequein ainyawan daichitha daxita bara caewa ompin naexana pepontha. Barapocotsi juta coyeneya ichi, Cristo pinmonae xeina pia pejume cowantsiwichi bequein bara barapon Jesús caein.

<sup>13</sup> Barapocotsi juta coyeneya ichi, waxainchi seicaya jiwichi. Daichitha daxita waxainchi be caemona<sup>e</sup> jiwichi wajume cowantsixae Jesús. Ichamonae waxainchi jiwana<sup>na</sup>t<sup>s</sup>i judiomonaetsi. Ichamonaetsi pomona<sup>e</sup> jopa judiomona<sup>e</sup> naexanaeyo. Ichamonaetsi pomona<sup>e</sup> amanaya

tanacuitatsi ichamonae nexa. Ichamonaetsi pomonae saya wajinompaewi xua saya wawan wanata exanae jiwi. Daichitha daxita waxainchichi naca bautisaba. Waxainchi be caemonaetsi naexanatsi Nacom pia Pejumope t̃nax̃ tatsi wanaca bar̃ jinompaexae. Nacom daxita waxainchi barompaya carepayatsi naca cata barapo pejumope t̃nax̃, pon bara saya meisa caein.

<sup>14</sup> Pepon jopa xeinaeyo bara caewa xua pecueyatsiwatsi. Apra nawita xeina xuan pecueyabiwatsi.

<sup>15</sup> Metha petaxu jei tsipae: “Xan apra jopa pecobeinyo, daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itac̃patsi xua paeba.

<sup>16</sup> Metha pemuxuyoroto jei tsipae: “Xan apra jopa peitamaiqueit̃nyo daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itac̃patsi xua paeba.

<sup>17</sup> Icha daxita wapepon ̃ peitacuereto tsipae, jopa naca itac̃paeyo xua wajume taewa tsipae. Barichi icha wapepon daxita ̃ pemuxuyoroto tsipae, jopa naca itac̃paeyo xua watuxubiwa tsipae.

<sup>18</sup> Ichitha Nacom pitacuiya duba xua ichaxota ichichipa duba daxita baxuan xua pocotsiwan pepon pecueyabiwatsi.

<sup>19</sup> Icha daxita baxuan saya ̃ naj̃paetsipa, bapoxonae jopa xapain xeinaetsipaetsi pepon.

<sup>20</sup> Bequein anoxuae nawita xeinatsi xuan wanaca cueyabowan wapepontha, daichitha awiya bara cae pepontsi.

<sup>21</sup> Peitacuereto jopa itacupaetsi xua pejeiwa pecobetha: “Xam jopa cacanamatawenonaetsi”, jopa pejeiwa. Barichi pentasipa jopa itacupaetsi xua pejeiwa petaxubetha: “Paxambe jopa paca canamatawenonaetsibe”, jopa pejeiwa.

<sup>22</sup> Po wanaca cueyatsiwa wapepontha xua jopa naca tsita ainya cuiyo, apara bara baxua ainya cui wacanamatawenonaenexa.

<sup>23</sup> Wapepon xua wanaca cueyatsiwa xua jopa naca tsita ainya cuiyo, paparuwatha nama acatatsi xua wabarua itura jinaenexatsi. Pocotsiwa wanaca cueyatsiwa xua wapepontha xua pocotsiwa jiwi jopa benaca taeyo, naacabatsi paparuwantha wapin uraxae.

<sup>24</sup> Po wanaca cueyatsiwa wapepontha pocotsiwa jiwi nacata tane baxuan jopa ainya cuiyo xua waacabinexa paparuwatha xua jopa wauraxaetsi. Nacom nacata exana pepon xua waxainchi beta nayaewatatsi paparuwatha, po wanaca cueyatsiwa wapepontha xua bichocono pecanantawenonaewa baxua.

<sup>25</sup> Nacom baxuan exana xua jopa baxuan penawepu tsabinexa pepon weya. Daxita baxuan xua wanaca cueyabiwan eenatsi xua nantiya penayawenaewa tsane icha pomonae Nacom pejume cowantsiwichi ichi xua nantiya bewa nayawena.

<sup>26</sup> Icha barapo wanaca cueyabiwan caewa jiwana wepu atene, bara barichi pepon daxita atenerua. Matauta icha baxuan caewa jiwana ainya cui cana exanatsi bara daxita nabarua weiweina dubena pepontha.

<sup>27</sup> Paxam Jesucristo piamonae tatsi jiwana



pamxaem, caemonae pananaexaname, icha Jesucristo ichi xua xeina pia pecueyabiwatsi pia pepontha. Bequein bara caemonae pananaexaname ichitha carepaya barompaya patanacuitame Cristo.

<sup>28</sup> Nacom itapeta xua pomonae pejume cowantsiwichi xua pomonae pia petanacuichinexa tsainchi. Copiya itapetatsi pomonae Jesucristo pia peitorobi jiji tatsi. Bapoxonae iruru itapetatsi pomonae Nacom pia peitorobi jume pepaebiwi. Equeicha bapoxonae iruru itapetatsi pomonae jiji pecuidubiwi Nacom Pejume Diwesi. Bapoxonae iruru itapetatsi pomonae pexeinya petsita itatsi coyenewan exana. Bapoxonae iruru itapetatsi pomonae axaibi peexanaewi peatenewi. Iruno bapoxonae itapetatsi pomonae jiji peyawenaewi. Bapoxonae iruru itapetatsi pomonae peitorobiwi pomonaetha pomonae pejume cowantsiwi. Iruru bapoxonae itapetatsi pomonae cueicueijejei icha jumeintha, po jumein bequein jopa nacuidubiyo.

<sup>29-30</sup> Nacom jopa apara daxita piamonae exanaeyo pomonae Jesús pia peitorobi jiji tatsi. Matautano Nacom jopa apara daxita piamonae exanaeyo pomonae Nacom pia peitorobi jume pepaebiwi. Barichi Nacom jopa apara daxita piamonae exanaeyo pomonae jiji pecuidubiwi Nacom Pejume Diwesi. Barichi jopa apara daxita jijiyo pomonae exana pexeinya petsita itatsi coyenewan. Matautano jopa apara daxita jijiyo pomonae axaibi peexanaewi peatenewi. Barichi jopa apara daxita jijiyo pomonae cueicueijejei

icha jumeintha po jumein bequein jopa nacuidubiyo. Barichi jopa apara daxita jiwiyoy pomonae xuya piamonae yabara yaputane exana po jumein ichamonae cueicueijei po jumein bequein jopa nacuidubiyo.

<sup>31</sup> Ichitha paxam bewa paichichipaename po j̄nt̄ cui coyenein xua bichocono w̄nae po coyenein xua Nacom amanaya cata piamonaetha.

*Meje xua Pablo yabara paeba peantobe coyenewa*

Ichitha anoxuae yabara paca cuidubinchi icha j̄nt̄ cui coyenewa po j̄nt̄ cui coyenewa bichocono toxechiya w̄nae beyacaincha xua po j̄nt̄ cui coyenein aunxuae yabara paeban.

## 13

<sup>1</sup> Metha icha bequein neitac̄paetsipa xua tacueicueijeiwa ainya jumein po jumein ichamonae cueicueijei, xuano po jumein matatsunpiwi cueicueijei. Bequein metha neitac̄paetsipa daichitha icha jopa ichamonae tsita xeinaeinyo peantobe coyenewa, bapoxonae saya apara pin busi jumein exanan poxonae saya cueicueijan.

<sup>2</sup> Metha xan Nacom pia peitorobi jume tacueicueijan tsipae, matautano metha yaputaetsipan daxita po coyenein Nacom moya yaw̄n xeina xua bexa Nacom exanaena, matautano metha yaputaetsipan daxita peyaputae coyenewan, matautano metha beta jume cow̄ntsipan xua taneitac̄paewa xua tsipaeban demxuwatha xua peponaenexa. Bequein metha xeinaetsipan daxita barapo

coyenein ichitha came jopa xeinaeinchipae peantobe coyenewa barapoxonae jopa ainya cui jitonyo.

<sup>3</sup> Icha peacopeibi jiwitha catan daxita pocotsiwa xeinan, yawano icha caenaetan tapepon xua tanetautsinexa tatapaein tajume cowantsixae, ichitha awiya came jopa xeinaeinchipae peantobe coyenewa daxita jiwi nexa, Nacom jopa tsita ainya cuiyanyo.

<sup>4</sup> Jame pon xua peantobe coyenewa xeina daxita jiwi nexa bapon jame jantema popona poxonae bequein ichamonae abe taexanaetha xua bapon bequein abe taexanaethatsi. Barichi pon peantobe coyenewa xeina, bapon jame amanaya yabara nanta xeinaeya yawena ichamonae. Bapon jame jopa peyabara uwin pocotsiwa ichamonae xeina. Matautano bapon jame jopa pia coutha penayabara nanta xeinaein xua peainya cui jiton. Matautano jame bapon jopa peabin jiwi.

<sup>5</sup> Barichi bapon jame jopa atsaquiya pepaebin. Matautano bapon jame jopa peyabara nanta xeinaein xua saya piawa nexa. Bapon jame jopa peanaepanaein ichamonaetha. Bapon jame xuya jopa peyantomateibin xua xuya peexanaenexa abe bapontha.

<sup>6</sup> Barichi bapon jame jopa juntu coyene weiweinaeyo poxonae ichamonae abe exana. Saya bapon jame juntu coyene weiweina poxonae ichamonae bara xainyeya exana.

<sup>7</sup> Pon ba jame peantobe coyenewa xeina ichamonae nexa, bapon jame exanapona beta bequein ichamonae daunweya ayapubeya

taexanaetha xua bapon daunweya ayapubeya taexanaethatsi. Bapon ba jame yabara jume cowantapona ichamonaē xua barapomonaē pomonaē ichamonaēxae itac̣patsi xua xanepanaya peexanaewa. Matautano bapon jame yabara jume cowantsiya ewatapona xua ichamonaē bexa beta peexanaewa tsane bequein abe peexanaewi. Matautano bapon ba saya jantema popona bequein bapon abe taexanaethatsi ichamonaē.

<sup>8</sup> Po coyene xua jiwi antobe ichamonaē barapo coyenewa bapana jopa weraweracae tsane. Jopaena matabi po matabitha jopa nantawenonaē tsane xua pomonaē pecueicueijeji jiwi Nacom nexa pocotsiwa Nacom yaputane exana. Barichino jopa cueicueijeji tsane icha jumeintha po jumein barapomonaē jopa bequein nacuidubiyo. Matautano jopa nantawenonaē tsainchi po coyene peyaputae coyenewa.

<sup>9</sup> Anoxuae wayaputae coyenewa nacata seica daxota be conotha yaputainchi. Matautano Nacom yabara wacueicueijejiwa nacata seica daxota be conotha yabara cueicueijeichi Nacom.

<sup>10</sup> Ichitha poxonaē Cristo patopaetsica pon daxita coyenein peyaputaein bapoxonaē bapon naca yaputane exanaena po coyene xua nacata seica xua wayabara cueicueijejiwa bapon, xuano xua bapon yabara yaputainchi. Barapo ainya coyenebe weraweracaena bapoxonaē.

<sup>11</sup> Poxonaē xan awiya pexuyon cueicueijan xua najume pexuinan. Yawano nanta xeinan icha pexuyo ichi. Matautano yaputan xua pexuyoxaein. Ichitha poxonaē pinyonba nacui baraxuban

pocotsiwa exanaponan poxonae pexuyon.

<sup>12</sup> Bara j̄uta coyeneya ichi anoxuae. Saya be conotha Nacom yabara yaputainchi. Baraxua be icha be pocotsi j̄uta coyeneya ichi poxonae tsabocototha nayatainchi xua d̄ud̄una xua dai-chitha jopa nataetsi. Ichitha bexa tsane yatsi-caewa Nacom pentha taeinchi peitabara. Anoxuae be conotha Nacom yabara yaputan. Ichitha bexa tsane xaniwaicha daxita beta yaputaein icha anoxuae Nacom neichi xua tanej̄unt̄u coyene yaputaewa.

<sup>13</sup> Acoibi po coyenewabe ataya ayapus̄u tsane. Meje barapo acoibi po jume coyenewabe xuj̄aje: Pejume cow̄untsi coyenewar̄u Nacomtha, barichi peyabara jume cow̄untsiya ewatsi coyenewar̄u Nacomtha, matautano peantobe coyenewar̄u. Jame po jume coyenewa bichocono tox-einchiya ainya cui beyacaincha xua icha coyenewa barapo coyenewa jame apara xua peantobe coyenewa, xua ichamonae waantobe coyenewatsi. Barapo jume coyenewa bichocono tox-einchiya ainya cui.

## 14

*Meje xua Pablo yabara paeba xua ainya jumein pepaebiwa yabara po jumein bequein jopa nacuidubiyo*

<sup>1</sup> Bewa paichichipaename xua painya nexei-naewa peantobe coyenewa. Barapoxonae bewano paichichipaename icha j̄unt̄u coyenein pocotsi j̄unt̄u cui coyenein Nacom amanaya paca cata. Po j̄unt̄u cui coyene xua bichocono w̄nae beyacaincha xua icha j̄unt̄u cui coyenewa,

apara barapo jũntũ cui coyenetha pacueicueijam Nacom pia peitorobi diwesi. Baxua jame bewa paichichipaename.

<sup>2</sup> Pon ba icha jumetha cueicueijei po jumeintha xua bapon bequein jopa nacuidubiyo bapon apara tsipaeba Nacomtha. Bapon apara jopa tsipaebiyo jiwitha tsipei jiwi jopa yaputaeyo pocotsiwa paeba bapon. Pocotsiwa bapon paeba apara Nacom pia Pejumope tũnaxũ tatsi cueicueijei exana. Bapon apara paeba pocotsiwa Nacom moya yawũn xeina, pocotsiwa xua bequein jiwi jopa yaputaeyo.

<sup>3</sup> Ichitha nama seicaya pon jame Nacom Pejume Diwesi cueicueijei jiwitha, jiwi yaputane exanaeinchi Nacom yabara. Mataũtano bapon poxonae Nacom Pejume Diwesi cueicueijei yawena ichamonaetha xua barapomonae jũntũ cui coyene tsacabatsi xua Nacom pejume cowũntsiwatsi. Barichi poxonae cueicueijei Nacom Pejume Diwesi jũntũ coyene sadũjei exana pomonae anthũthũrewewexua anthũthũtane.

<sup>4</sup> Pon ba cueicueijei ainya jumeintha po jumeintha bequein bapon jopa nacuidubiyo, bapon ba saya pia coutha nayawena xua peyabara yaputaewa Nacom. Ichitha pon ba cueicueijei jiwitha Nacom nexa po coyene Nacom yaputane exana, bapon jiwi yaputane exainchi Nacom yabara pomonae xua Nacom pejume cowũntsiwichi.

<sup>5</sup> Ichichipan xua daxita paxam painya necueicueijeiwa icha jumeintha, po jumein bequein jopa panacuidubim. Jame yatsicaewa bichocono ichichipan xua painya necueicueijeiwa Nacom

Pejume Diwesi ichamonaetha. Pon ba xua Nacom Pejume Diwesi cueicueijeï ichamonaetha, bapon ba jame wunaẽ exana beyacaincha pon icha jumeintha cueicueijeï. Ichacuitha bapon pon icha jumeintha paeba itacupatsi xua yabara jume yaputane exana jiwitha po jumein xua pipato pepaebi jumein. Icha bapon barapo coyene exana bapoxonae bapon yawena pomonae pejume cowantsiwi Nacom xua beta mataropeicha pejume cocowantaponaenexa Cristo.

<sup>6</sup> Tamonae pam, icha poxonae paca siwa ponaetsipatsi paca tsipaebichipatsi po jumeintha jopa nacuidubinyo tacoutha, bapoxonae apara jopa paca yawenaetsipaetsi. Ichitha icha paca tsipaebichipatsi po diwesi Nacom neyaputane exana, baxua jame paca yawenaetsipa xua beta painya nejume cowantsiwa Nacom. Ichitha icha ichacuitha paca tsipaebichipatsi pocotsiwa xua nacuiduban baxua jame paca yawenaetsipa. Matautano icha ichacuitha paca tsipaebichipatsi pocotsiwa xua Nacom Pejume Diwesi paeba pocotsiwa bexa Nacom exanaena, baxua jame paca yawenaetsipa. Ichacuitha icha paca cuidubichipatsi Nacom Pejume Diwesi baxua paca yawenaetsipa.

<sup>7</sup> Jiwi ba tanbaba po petanbabiwa arpa matawun, xuano ba oba po peobiwa pewun flauta. Ichitha icha barapo ainya pecajume exanaewan jopa xapain busi pichapaetsipae bapoxonae jiwi jopa xapain yaputaetsipae po wei xua icha jiwi wei tanbaba.

<sup>8</sup> Barichi poxonae ba jiwi naba ichamonaetha bapoxonae ba oba xua penajunutsiwa. Ichitha

icha barapo busi, busi caewa, jiwi jopa xapain busi taeyo. Bapoxonae jiwi jopa itac̄paetsi xua penacui w̄naetsiwa xua penabinexa.

<sup>9</sup> Barichi paxamtha. Icha icha jumeintha papaebichipame jiwitha, po jumeintha bequein jopa panacuidubim, xuano ir̄u barapo jiwi jopa nacuidubiyo bapoxonae jiwi jopa xapain paca ya-putaetsipae. Baraxua apara be saya poxonae sito patsipaebame.

<sup>10</sup> Metha beya tsipae xua barapo nacuathe ainya jumein xeinaetsipa xua jiwi barompaya tsanaya pijumeintha paeba. Daxita barompaya pia matab̄ax̄monaein tsiniya xeina po jumein xua yaputane barapomonaē.

<sup>11</sup> Ichitha icha xan jopa yaputaeinyo po jumetha xua ich̄n netsipaeba bapoxonae xan be tsita tana nanapaincha poponaēin xua be icha nacua werena taponaein ir̄u bapond̄u be netsita penanapaincha poponaēin xua be icha nacua werena peponaein.

<sup>12</sup> Paxam paichichipame po j̄unt̄u cui coyenein Nacom pia Pejumope t̄nax̄u tatsi amanaya cata piamonaetha. Yaitama baxuan paichichipame daxota bichocono paw̄care barapo Nacom pia Pejumope t̄nax̄u tatsi xua painya nepaca catsibinexa po j̄unt̄u cui bichocono w̄nae. Baxua paw̄care xua painya neyawenaenexa pomonaē pejume cow̄ntsiwi Nacom, xua beta pejume cow̄ntaponaenexa Nacom.

<sup>13</sup> Daxota pon icha cueicueijei icha jumetha po jumetha bequein bapon jopa nacuidubiyo, bapon bewa w̄ucaena Nacomtha xua Nacom bapontha yabara jume yaputane pecana exanaenexa



barapo jume. Bapoxonae bapon itacɥpatsi xua yabara yaputane exana barapo jume xua ichamonae yaputane exanatsi.

<sup>14</sup> Icha icha jumetha tsipaeban Nacomtha po jume bequein jopa yaputaeyo saya apara tajumope tɥnaxɥ tsipaeba Nacomtha. Tajɥntɥ coyene jopa yaputaeyo xua tatsipaebiwa Nacom. Barichi ichamonae jopa yaputaeyo xua tatsipaebiwa Nacom.

<sup>15</sup> ¿Eta xua bewa exanocuaein? Jame, bewa wɥcaein Nacom tajumope tɥnaxɥtha po jumein jopa yaputaeyo. Mataɥtano bewa wɥcaein Nacom tajɥntɥ coyenewatha po jumein yaputan. Barichi bewa naxɥnaein Nacomtha tajumope tɥnaxɥtha po jumein jopa yaputaeyo. Mataɥtano bewa naxɥnaein tajɥntɥ coyenewatha po jumein yaputan.

<sup>16</sup> Ichacuitha metha icha jumetha wɥnae jainchipame Nacom xua nejumope tɥnaxɥ cueicueijei cacana exana. Pomonae xua cajume taetsipa jopa cajume yaputaetsipae. Daxota jopa itacɥpaetsipaetsi xua pebɥɥya necajume notsiwa Nacom nexa, xua pejeinexa: “Bara ichi tsane”, xua pejeiwa.

<sup>17</sup> Poxonae bequein Nacomtha wɥcaetsipame icha jumetha bara bequein wɥnae pocotsiwa xua paebame, daichitha ichɥn jopa yawenaetsipaetsi xua beta pejume cowɥntsiwa Nacom.

<sup>18</sup> Nacomtha tsipaeban paxam yabara, janje: “Nacom maisa jɥntɥ coyene weiweinan, xua icha jumeintha tacatsipaebiwatsi, beyacaincha daxita barapomonae xua icha jumeintha catsipaeba”, jan.

19 Ichitha poxonaе pomonaе Nacom pejume cowantsiwichi nacaetuta penacaetutsi botha bara saya wnae tsipae xua icha saya cinco po jumebe tacuidubiwa tsipae xua jiwi peyaputaewa tsane. Baxua beyacaincha xua poxonaе icha metha cueicueijan tsipae diez mil po jumebe, po jume xua jopa nacuidubinyo. Bequein barapo diez mil po jumebe paebichipan daichitha jiwi jopa yaputaetsipae xua tacueicueijeiwa.

20 Tamonaе pam, paxam pomonaе iru painya nejume cowantsiwixae Jesucristo. Painya xoba pananta xeiname icha pexui ichi poxonaе nanta xeina. Jame pajinompa dubenanaebiyama icha pexui ichi poxi pencuetixi xua jopa abe exanaeyo. Maisa jame pananta xeina dubenanaebiyama icha pomonaе pinyon ichi xua nanta xeina dubenanaebiya.

21 Nacom jeye pia peitorobi jume diwesitha: “Paebin barapo judiomonaetha poxonaе cueicueijej cana exanaein pomonaе penanapaincha jinompaewi xua icha nacuapiwi po jumein xua jopa yaputaeyo pomonaе xua petsipaebixaetsi. Bequein baxua exanaein ichitha cataunxuae barapo judiomonaе jopa nejume tae tsane”, jei pon jiwi Pecanamataxeinaein pia peitorobi jume diwesitha.

22 Daxota xua pecueicueijejwa icha jumeintha tsita itapeinya xeina xua pomonaetha pomonaе jopa pejume cowantsiwi xua apara Nacom atene exanaena barapomonaе jopa pejume cowantsixae. Barapo jumein jopa apara nexiyo pomonaе xua bayatha pejume cowantsiwi, poxoru Nacom jopa atene exanae tsane

barapomonae. Ichitha xua cueicueijeji Nacom Pejume Diwesi, baxua tsita itapeinya xeina pomonaetha pomonae pejume cowantsiwi xua apara Nacom yawenaena barapomonae peantobexae tsipei barapomonae Nacom jume cowantatsi. Barapo Nacom Pejume Diwesi pecueicueijejiwa jopa apara nexiyo pomonae jopa pejume cowantsiwi poxoru Nacom jopa yawenae tsane barapomonae jopa pejume cowantsixae Nacom.

<sup>23</sup> Ichacuitha metha patsipa painya nenacaetutswatha xua poxonae Nacom wnae pajaintame pomonae jopa yabara yaputaeyo poxonae ichamonae pecueicueijejiwa icha jumeintha, iruru pomonae jopa pejume cowantsiwi Nacom. Icha metha daxita paxam barompaya papaebichipame icha jumeintha barapomonae jopa paca yaputaetsipae. Bapoxonae barapomonae paca yabara nanta xeinaetsipa xua apara painya nepacamatajemabi jiwi pam.

<sup>24</sup> Ichitha metha pebiwi patsipa painya nenacaetutswatha xua poxonae Nacom wnae pajaintame pomonae jopa yabara yaputaeyo poxonae ichamonae pecueicueijejiwa icha jumeintha, iru pomonae jopa pejume cowantsiwi Nacom. Poxonae daxita paxam Nacom Pejume Diwesi papaebichipame barapomonae paca yaputaetsipa xua papaebame. Bapoxonae barapomonae najuntu coyene cayabara nanta xeinaetsipa xua abe peexanaewa. Matautano barapomonae yaputaetsipa xua Nacom petsita natsicuentswathi xua abe peexanaexae xua poxonae painya neca-

jume taexae poxonae papaebame Nacom Pejume Diwesi.

<sup>25</sup> Nacom exana xua barapomonae peyaputaewa po coyene xua Nacom daxita beta yabara yaputane po coyene xua barapomonae nanta xeina pejuntꝫ coyenewatha. Baropxonae barapomonae yaputaena xua bara Nacom jꝫntemaina barapomonae abe pia peexanae cuiru coyenein tatsi. Baropxonae pentabocototha umenaena xua Nacom wꝫnae pejainchinexa tsainchi. Barapomonae jei tsane paxamtha: “¡Jaina, maisa deta Nacom paca barꝫ jinompa!” paca jei tsane barapomonae.

*Meje xua Pablo jeye: “Beta xanepanaya paex-anaponde penacaetutsi bontha poxonae wꝫnae pajainteibame Nacom”, jei*

<sup>26</sup> Tamonae pam, paxam pomonae irꝫ painya nejume cowꝫntsiwixae Jesucristo. Paca tsipaebatsi xuaje: Poxonae pana nacaetutame, ichamonae painyamonae jiwana barabꝫ naxꝫnaena peweixi xua wꝫnae pejainchinexa Nacom. Ichamonae irꝫ barabꝫ cuidubina ichamonaetha. Ichamonae irꝫ barabꝫ cuidubina po coyenein Nacom yaputane exana. Ichamonae irꝫ barabꝫ icha jumeintha cueicueijei tsane po jumein bequein jopa nacuidubiyo. Ichamonae irꝫ barabꝫ xuya barapo jumein yabara jume yaputane exanaena daxita jiwitha po jumein ichamonae paeba. Daxita po coyenein xua paexaname bara wꝫnae paexande poxonae panacaetutame wꝫnae painya jaintsinexa Nacom xua daxota xanepanaya mataropeicha painya nejume cocowꝫnta dubenanaebiyaenexa Nacom.

27 Poxonae icha jumeintha pacueicueijam bewa saya cueicueijei nacueyatabe poyobe ichacuitha poxonae acoibi poyobe. Ichitha ichamonae ajibi tsane. Barapo acoibi poyobe bewa xuya cotacaya barompaya tsana cueicueijei tsoponae tsane. Bewa bapoxonae xuya ichan cotacaya yabara jume yaputane exanae pocotsiwan xua barapo acoibi poyobe barompaya seicaya paeba.

28 Ichan dapocotsin aibi pon itacupatsi xua xuya cotacaya peyabara jume yaputane exanaewa, jopa bewa barapo acoibi poyobe icha jumeintha paebi tsane penacaetutsi jiwitha xua poxonae Nacom wanae pejainchinexa. Saya bewa moya pia coutha cueicueijei Nacomtha.

29 Bara wanae tsipae icha saya pacopatsipame nacueyatabe poyobe xua pecueicueijeiwa Nacom Pejume Diwesi xua ichacuitha poxonae saya acoibi poyobe. Ichamonae bewa jume taena icha metha bara xaniwaicha paeba barapo acoibi poyobe.

30 Icha ichan eca baxota pon Nacom yaputane exana po jumein bewa cueicueijei tsane bapoxonae pon xua copiya asiya uncua bewa moya ecaena xua daxota barapon pon ichan itacupatsi xua cueicueijei po jumein Nacom yaputane exana.

31 Daxita paxam paca itacupa xua painya necueicueijeiwa Nacom Pejume Diwesi, painya necana exanaenexa xua daxita barapomonae penacuidubinexa. Matautano paca itacupa painya necueicueijeiwa painya nejuntu cui tsacabinexa daxita jiwu pejume cowantsinexa Nacom. Ichitha jame paxam barompaya tsanaya xuya patamropatsiya

cueicueijam tsooneibim tsane.

<sup>32</sup> Pomonae Nacom Pejume Diwesi pecueicuei-  
jeiwi barapomonae itacupatsi xua penajuntũ  
coyene itorobiwa. Daxota barapomonae  
ewata xua ichun matha pecueicueijeinexa,  
xua bapoxonae bara pecueicueijeinexa tsane  
ichamonaetha.

<sup>33</sup> Tsipei Nacom jopa ichipaeyo xua jiwi  
ajumeyaexa poxonae daxita jiwi peburaya  
cueicueijeji Nacom Pejume Diwesi. Jame Nacom  
ichichipa xua pomonae pejume cowantsiwi  
juntema penabaru jinompaewa poxonae  
nacaetuteiba xua wnae pejainchinexa Nacom.

Daxita pomonae xua nacaetuta pejume  
cowantsixae Jesucristotha, exana xuaje:

<sup>34</sup> Yabuxi bewa saya moya poxonae nacaetuta  
pomonae Nacom pejume cowantsiwi xua Nacom  
Pejume Diwesi pecueicueijeinexa. Nacom baxua  
jopa copatsiyo xua yabuxi pecueicueijejiwa bax-  
ota. Barapo yabuxi bewa jume cowantsina pia  
seuriwi pocotsiwa itorobeibatsi icha be pocotsi  
coyeneya bayatha Moisés pia peitorobi coye-  
newatha paeba.

<sup>35</sup> Icha barapo yabuxi ichichipa xua  
peyaputaewa pocotsiwa ichamonaetha paeba, bewa  
barapowaxi pia boxitha yainyabi pia seuriwi.  
Tsipei jopa wnae tsipae icha yabuyo cueicueijeji  
penacaetutsimonaetha pomonae Nacom pejume  
cowantsiwichi xua poxonae yainyaba pia pebiwi.

<sup>36</sup> Paxam bewa payaputaename xua Nacom  
Pejume Diwesi jopa copiya matha tamropata  
pitabiyo painya xantha. Matautano jopa paxam

compa pam pomonae meisa paxeiname Nacom Pejume Diwesi.

<sup>37</sup> Ichamonae pomonae paxam jiwana pam nanta xeina xua xeina po jũntũ coyenewatha pecueicueijejwa Nacom Pejume Diwesi. Barapo jũntũ coyene xua Nacom pia Pejumope tũnaxũ tatsi amanaya cata. Mataũtano ichamonae pomonae paxam jiwana pam nanta xeina xua xeina icha jũntũ coyenewa po jũntũ coyene Nacom cata. Daxita paxam bewa payaputaename xua po coyenein yabara pacata tinatsi xua apara Nacom wanaca itorobiwa.

<sup>38</sup> Icha pebin jopa bejume cowũntsiyo pocotsiwa paeban, bapoxonae painya xoba pajume cowũntame pocotsiwa bapon paeba.

<sup>39</sup> Tamonae pam, paxam pomonae irũ painya nejume cowũntsiwixae Jesucristo. Bewa jame paichichipaename xua painya necueicueijejwa Nacom Pejume Diwesi. Painya xoba pajume itawetame poxonae ichamonae cueicueijejwa icha jumein po jumein bequein jopa nacuidubiyo.

<sup>40</sup> Daxita beta xanepanaya paexanaponde poxonae pana nacaetutame penacaetutsi botha xua poxonae wũnae painya nejainchinexa Nacom, xua barompaya tsanaya patamropatsiya exanaponde.

## 15

*Meje xua Pablo yabara paeba poxonae Cristo queicha asũ exainchi*

<sup>1</sup> Tamonae pam, paxam pomonae irũ painya nejume cowũntsiwixae Jesucristo. Ichichipan

xua pacayabara nanta xeiname po diwesi pecapanenebiyae diwesi jume, po diwesi paca tsipae-batsi. Barapo pecapanenebiyae diwesi pajume cowantame, xua daxota beta pajume cowantsiya jinompame Nacomtha.

<sup>2</sup> Painya nejume cowanta dubenanaebiyaexae barapo pecapanenebiyae diwesi, anoxuae painya nepaca capanenebiyae jiwi pam abe painya neexanae cuiru coyenein weya. Barapo coyene paxeina dubenanaebiyaename icha beta payabara jantanainame pocotsiwa paca cuidubatsi xuano icha xaniwaicha pajume cowantame baxuan. Icha copiya jopa pajume cowantsim tsane painya janta coyenetha barapo pecapanenebiyae diwesi bapoxonae Nacom jopa paca capanenebiyae tsane.

<sup>3</sup> Copiya paca cuidubatsi pocotsiwa xua ichan necuiduba xua Cristo yabara. Paca cuidubatsi xua Cristo naca tsitupa abe waexanae cuiru coyenein nexa icha be pocotsi coyeneya bayatha Nacom Pejume Diwesitha yabara paeba baxua.

<sup>4</sup> Poxonae Jesucristo tupa bapoxonae muthutha xotsi. Ichitha poxonae acoibi po matabibibe jopa, barapo matabibitha equeicha asu exanatsi, icha be pocotsi coyeneya bayatha Nacom Pejume Diwesitha yabara paeba baxua.

<sup>5</sup> Bapoxonae Pedro tsita naitutatsi Jesucristo. Bapoxonae equeicha Jesucristo tsita naituta pia peitorobi jiwi tatsitha pomonae doce poyobe.

<sup>6</sup> Bapoxonae caena equeicha Jesucristo tsita naituta pomonaetha pomonae pia pejume cowantsi jiwixaetsi, pomonae beyacaincha quinientos poyobe jiwi. Awiya pinmonae



barapo bicheito jiwanamonae jinompa anoxuae pomonae xua Jesús tainchi bequein ichamonae werapa bayatha, pomonae barapomonae jiwana.

<sup>7</sup> Bapoxonae equeicha Santiago tsita naitutatsi Jesucristo. Bapoxonae equeicha Jesús tsita naituta daxita pomonaetha pomonae pia peitorobi jiwi tatsi.

<sup>8</sup> Bapoxonae nama matapainya xan Pablon netsita naituta Jesucristo. Nacom necana exana pon pia peitorobi jiwi jiwana tatsin, xua pon tabu ducuan. Xan be pon xua nainya jemeicha jume cowuntan icha be pocotsi coyeneya ichi poxonae pexuyo pena nainya jemeicha tsiperu wenaexana.

<sup>9</sup> Xan wepu be conotha ainya cuin pomonae Jesucristo pia peitorobi jiwi tatsi. Ichamonae pomonae Jesucristo pia peitorobi jiwi tatsi bichocono ainya cui beyacaincha xua xan. Bequein Nacom neyabara caunuta xua xan Jesucristo pia peitorobi jiwi tatsi jiwanan ichitha auran tsipei bichocono abeya exanan pomonaetha pomonae penacaetutsimonae jiwitha pomonae pejume cowuntsiwi Nacom. Pebaraxuaxae jopa bewa neyabara caunutsi baxua.

<sup>10</sup> Ichitha xan nama anoxuae seicayiya exanan Nacom taneyawenaexae. Bapon tana neantobexae jopa abeya taexanaeinyo. Jame nama seicaya bichocono ayapusaya nacuitan Jesucristo nexa beyacaincha ichamonae pomonaexae Jesucristo pia peitorobi jiwi tatsi. Ichitha xan jopa tacouthinyo xua tanacuichiwa, apara jame Nacom neyawena tana neantobexae.

<sup>11</sup> Jopa ainya cuiyiyo pomonae bayatha paca cuiduba Nacom Pejume Diwesi. Jopa ainya

cuiyiyo icha ichamonae pomonae Jesús pia peitorobi jume pepaebi jiwi bayatha paca cuiduba. Matautano jopa ainya cuiyiyo icha xan bayatha paca cuidubatsi. Saya jame ainya cui xua daxita paxan nanta jupaya tapaca cuidubiwatsi barapo Nacom pia pecapanenebiyae diwesi jume xuano xua painya nejume cowantsiwa baxua.

*Meje xua Pablo yabara paeba pomonae xua equeicha asu exanatsi petupae cuiru coyene weya*

<sup>12</sup> Paca cuidubatsi xua Cristo equeicha asu exanatsi petupae cuiru coyene weya. Daichitha pomonae paxam jiwana pam paeba xua pinae Nacom jopa equeicha asu exanaeyo jiwi petupae cuiru coyene weya. ¿Eta xua nexata metha baxua paeba painyamonae jiwana? Bara bayatha payabara yaputanemeba.

<sup>13</sup> Icha jiwi jopa equeicha asu exanaetsipaetsi petupae cuiru coyene weya, bara nexata Cristo barichipaetsi, jopa equeicha asu exanaetsipaetsi petupae cuiru coyene weya.

<sup>14</sup> Icha Cristo jopa equeicha asu exanaetsipaetsi petupae cuiru coyene weya, bapoxonae jopa ainya cui tsipae pocotsiwan paca cuidubatsi. Bapoxonae baxua be xua pejumexaei tsipae tsipei jopa paca yawenaetsipae. Matautano barichi painya nejume cowantsiwa jopa ainya cui tsipae jopa painya nepaca yawenaexae tsipae.

<sup>15</sup> Icha baxua xaniyei paxan be pomonae pemuxitorobi jiwi pan tsipaein pocotsiwa Nacom payabara paeban, tsipei paxan apara papaeban xua Cristo equeicha asu exanatsi petupae cuiru coyene weya. Papaeban xua Nacom equeicha

Cristo asu exanatsi petupae cuiru coyene weya ichitha baxua jopa xainyeyo icha jiwi jopa equeicha asu exanaetsi petupae cuiru coyene weya.

16 Icha petupae jiwi jopa equeicha asu exanaetsipaetsi petupae cuiru coyene weya, barichi Cristo bayatha jopa equeicha asu exanaetsipaetsi petupae cuiru coyene weya.

17 Icha Cristo jopa equeicha asu exanaetsipaetsi petupae cuiru coyene weya bapoxonae jopa paca yawenaetsipae xua painya nejume cowuntsiwa. Daxota awiya paexana dubenanaebiyaetsipame abe painya neexanae cuiru coyenein.

18 Icha baxua xainyei tsipae xua Cristo jopa asu exanaetsipaetsi petupae cuiru coyene weya bapoxonae pomonae xua bayatha werapa bequein jume cowuntsitha tsipae Jesús, ichitha weraweracaetsipa xua abe peexanaexae.

19 Waxainchi jume cowuntsiya wunae ewatatsi xua bexa tsane Cristo naca asu exanaena poxonae werapaeinchi. Ichitha icha saya jume cowunta dubenanaebiyaetsipatsi xua Nacom wanaca yawenaewa tsane barapo cae pin nacuathe, bapoxonae wajume cowuntsiwa jopa naca yawenaetsipae xua po coyene Nacom bexa asu wanaca exanaewa tsane poxonae werapaeinchi. Bapoxonae jiwi pomonae jopa pejume cowuntsiwi naca yabara jei tsipae: “¡Pai barapomonae tsobenae beyacaincha ichamonae bequein jume cowuntsitha tsobenae!” xua wanaca yabara jeichiwa tsipae.

20 Ichitha pocotsiwa xua yatsicaya jame xainyei, apara jame xua Cristo bara yatsicaya asu exanatsi petupae cuiru coyene weya. Bapon Cristo

copiya jiwi asu canamata exanatsi xua petupae cuiru coyene weya pomonae xua ataya tsitecaeya peasunexa xua jopa weraweracaeyo.

<sup>21</sup> Jiwi abe peexanae cuiru coyenein peexanaexae daxota werapa, tsipei jiton copiya abe canamata exana, bapon Adán. Nama jiwi equeicha asu exanatsi, tsipei jiton copiya asu canamata exanatsi, bapon Jesucristo.

<sup>22</sup> Jiwi werapaena icha Adán ichi abe peexanaexae. Daxita pomonae Cristo piamonae tatsi equeicha asu exanaeinchi petupae cuiru coyene weya icha Cristo cana ichichi xua asu exanatsi xua petsitecaenexa.

<sup>23</sup> Nacom iche tsane xua poxonae exanaena xujaje: Copiya matha Cristo asu exanatsi. Bexa tsane pomonae Cristo piamonae tatsi asu exanaeinchi petupae cuiru coyene weya poxonae Cristo equeicha patopaetsica barapo irathe tsique.

<sup>24</sup> Cristo weraweraca exanaena daxita, xua peitorobi coyenewan. Matautano muxuna weraweraca exanaena xua nacuan peewatsi coyenewan. Matautano muxuna weraweraca exanaena peayapusya itorobi coyenewa po peayapusu itorobi coyenewa xua jopa Nacom pia coyenewa tatsi. Bapoxonae poxonae wetsina daxita, Cristo pia peayapusu itorobi coyenewa Paxa caewa catsina, pon Nacom.

<sup>25</sup> Tsipei Cristo bewa tsiwanaya exanaponaena daxita jiwitha be pon jiwi itorobiya pia pepa peewatsinchi. Baxua bewa exanaena beya poxonae Nacom weraweraca exanaena pomonae Cristo pia peaitafaetabi jiwichi.

<sup>26</sup> Po coyene Nacom cotacaya exanaena xua

apara piamonae asu cana exanaena xua bapana jopa peweraweracaewa tsane.

<sup>27</sup> Tsipei Nacom Pejume Diwesitha paeba xua pinae Nacom itorobina Pexanto pon Jesucristo xua itorobiya pecanamataxeinaenexa daxitantha. Bequein bara Jesucristo daxitantha itorobiya canamataxeinaena saya Paxatha meisa jopa itorobiyo tsane.

<sup>28</sup> Copiya Nacom exanaena xua Cristo itorobiya canamataxeinaena daxitantha. Bapoxonae Cristo Nacom Pexanto tatsi pia coutha nacana exanaena xua Paxa itorobiya pecanamataxeinaenexa tsainchi. Bapoxonae Nacom xaniwaicha itorobiya canamataxeinaena daxitantha.

<sup>29</sup> Ichacuitha ichamonae bautisabatsi pomonae pewerapaewi tsibautisabatsi xua barapomonae equeicha peasunexa pepatsinexa Nacom pia nacuatha. Icha pewerapaewi jopa equeicha asu exanaetsi petupaie cuiru coyene weya bapoxonae barapomonae pomonae pewerapaewi jopa yawenaetsi bequein petsibautisabithatsi xua ichamonae bautisabatsi xua peasunexa pomonae werapa.

<sup>30</sup> Daxita matabi jinompeibatsi xua naca peipeita ichamonae xua naca abe exana wajume cowantsixae. Icha jopa equeicha asu naca exanaetsipae jopa ainya cui tsipae xua wacueicuei-jei tsurubenanaebiwa Nacom Pejume Diwesi.

<sup>31</sup> Tamonae pam, paxam pomonae iru painya nejume cowantsiwixae Jesucristo. Daxita matabi muxu tatupeibi xua ichamonae tanepeipeita exaneibixae. Baraxua xaniyei icha ichi xua xaniyei xua juntu coyene weiweinan xua Jesu-

cristo pon Wanacanamataxeinaein xanepanaya peexanaexae painya xantha.

<sup>32</sup> Xan bara imoxoyo tatɥpae poxonaefeso tomarapiwi inta abe exana. Barapomonaebaxua necana exana icha neuthɥ ichi poxonaefeso ichan waetabatsi. Bequein barapomonaebaxua necana exana xua muxu tatɥpae ichitha jopa asɥ neexanaetsipae petɥpae cuiru coyene weya icha jiwi equeicha jopa asɥ exanaetsipaetsi. Icha jopa equeicha caewa asɥ naca exanaetsipae bara saya exana dubenanaebiyaetsipatsi pocotsiwa ichichipatsi. Poxonaebaxua exanatsi jɥpa exanatsi icha ichamonae ichi pomonaebaxua jopeyabara jume cowantsiwa xua bara asɥ peexanaewatsi. Barapomonaebaxua jeye: “Anoxuae nabanaeinchi yawa apaeinchi, tsipei baya werapaeinchi jopa naca tsita ainya cuiyo”, jei barapomonaebaxua, pomonaebaxua jopeyabara jume cowantsiwi.

<sup>33</sup> Painya xoba pacopatame xua bara ichamonae painya nepaca muxuitorobeibiwa. Jiwi ba pia pecayabara jɥta pepaebi diwesiyo ba jei: “Pomonaebaxua abe peexanaewi cuiduba ichamonae aetha pomonaetha pomonaebaxua ichipa beta exana, xua barapomonaebaxua abe peexanaenexa”, ba jei barapomonaebaxua diwesiyo.

<sup>34</sup> Equeicha caewa paexande po jɥntɥ coyene xua bichocono Nacom tsita xanepanatsi. Painya xoba equeicha abe paexaname. Ichamonae paxam jiwana pam jopa Nacom yaputaetsi. Baxua paca tsipaebatsi xua painya neauranexa.

*Meje po coyeneya xua Nacom exanaena poxonaebaxua jiwi equeicha asɥ exanaeinchi petɥpae cuiru*

*coyene weya*

<sup>35</sup> Metha ichan yainyabina, jei tsane: “¿Eta po coyeneya Nacom exanaena poxonaewi pexuapaewi equeicha asu exanaeinchi? ¿Eta pocotsi pepon barapomonaewi xeinaena?” jei tsane.

<sup>36</sup> Barapo peyainyabiwa saya pejumexaei. Poxonaewi paubame peubi xuto, barapo xuto burana bocareca iratha xua pexu nantafobabinexa poxonaewi xua naewi pexuwinexa.

<sup>37</sup> Poxonaewi paubame jopa apara pepaboto paubim xua pepa naewi pexuwinexa. Jame apara ba pexu paubame, metha beya xua trigo xuto tsipae, ichacuitha metha icha pexuton tsipaeno.

<sup>38</sup> Cotacaya Nacom exana xua barapo pexu xuwa icha be pocotsi coyeneya Nacom ichichipa. Daxita peubi xuton tsanaya seicaya pia cui barompa poxonaewi xuwa.

<sup>39</sup> Barichi jiwi pepon daxita jopa najupaeyo. Jiwi pia pepon seicaya tsanaya barompa. Duwei unupiwi pia pepon seicaya tsanaya barompa. Duwei menepiwi seicaya pia pepon tsanaya barompa. Pepupunaewi seicaya pia pepon tsanaya barompa.

<sup>40</sup> Peitabocotha xeina ainya pepon po ainya pepon peitabocotha pejinompaewi nexa. Barichi barapo irathe xeina ainya pepon pomonaewi barapo irathe pejinompaewi nexa. Po pepon pexeinya peitapanae coicha xeina xua peitabocotha jinompa barapo pepon bichocono pexeinya pepon. Barichi wapepon pexeinya pepon po pepon xeinatsi po cae pin nacuathe.

<sup>41</sup> Xometo poto atsato pia pexeinya peitapanae coicha barompa. Barichi jomocoichato pia

peitupanae coicha barompa. Opiteino pia peitupanae coicha barompa. Icha opitei pia peitupanae coicha jopa nacoicha jupaeyo icha opiteitontha po opiteiton pia peitupanae coicha xeina.

<sup>42</sup> Barapocotsi jata coyeneya ichi pomonae xua equeicha asu exanatsi petupae cuiru coyene weya. Poxonae pomonae pewerapaewi iratha muthucatsi equeicha caewa tsorobo naexana petsabanaexae. Bapoxonae equeicha Nacom asu exanaena pena pepon xua petsitecaenexa. Barapo pena pepon bapana jopa tupa tsane equeicha, jopa petsabanaexae tsane.

<sup>43</sup> Barapo peru pepon jopa xeinaeyo peitupanae coicha poxonae muthutha xotsi. Ichitha jame barapo pena pepon xeina pexeinya peitupanae coicha. Barapo peru pepon jopa xeinaeyo peasawa poxonae muthutha boca. Ichitha jame barapo pena pepon xeina peasawa.

<sup>44</sup> Barapo peru pepon saya barapo cae pin nacuathe nexa. Daxota poxonae tupa, tsabana naexana, tsorobo equeicha caewa penaexanaenexa. Ichitha poxonae barapo pepon asu exanaeinchi, bapoxonae pena pepon naexanaena pejumope tuxuxu nexa xua Nacom pia nacuatha peponaenexa. Icha jiwi xeina peru pepon xua barapo cae pin nacuathe nexa, barichi pena pepon xeinaena xua Nacom pia nacuatheicha nexa.

<sup>45</sup> Nacom Pejume Diwesitha jeye: “Po jiton copiya Nacom forota, bapon Adán. Bapon peasawa xeina xua pepoponaenexa barapo cae pin nacuathe”, jei Nacom. Ichitha Cristo Adán



bichocono toxeincha ainya cuichi equeicha caewa asu peexanaexaetsi. Daxota bapon Cristo itacupatsi xua ichamonaetha cana exana xua pexeinaewa peajuntuyarusawa xua po peajuntuyarusawa ataya tsiteca.

<sup>46</sup> Copiya jopa xeinaetsi po pepon Nacom pia nacuatha nexa. Saya copiya xeinatsi po pepon barapo cae pin nacuathe nexa. Ichitha cotacaya bexa tsane xeinaeinchi po pepon pena pepon Nacom pia nacuatha nexa.

<sup>47</sup> Po jiton copiya exanatsi, pon tsorobo weya exanatsi, bara bapon apara saya barapo cae pin nacuathe nexa. Po jiton xua cotacaya patopa bapon apara Cristo pon itaboco wepatopeica.

<sup>48</sup> Po jiwi xua barapo nacuathe jinompe pia pepon exanatsi icha Adán ichichi xua pia pepon tsorobo weya exanatsi. Ichitha pomonae Jesucristo piamonae tatsixae barapomonae xeinaena pepon icha ichi xua pocotsi pepon xeina Cristo, pon xua itaboco wetsica pona.

<sup>49</sup> Anoxuae wapepon werapaena icha Adán pia pepon tatsi ichi xua bayatha tupa. Ichitha poxona Nacom pia nacuatha patinchi wapepon xeinaeinchi pocotsi pepon icha Cristo pia pepon tatsi ichi xua pexeinya peitupanae coicha xeina.

<sup>50</sup> Tamonae pam paxam pomonae iru painya nejume cowantsiwixae Jesucristo, yabara paca tsipaebatsi po pepon yawa jinompatsi. Barapo pepon jopa naca itacupaeyo xua wayawa patsiwa Nacom pia peitorobi nacuatheicha xua ataya tsitecaeya wajinompaenexa tsane, tsipei barapo pepon tupa.

<sup>51</sup> Paca tsipaebatsi pocotsiwa xua namicha xua

jiwi jopa yabara yaputaeyo xua Nacom moya yawan xeina. Daxita pomonae waxainchi jiwantsi jopa weraweracae tsainchi xua ataya tsane. Ichitha daxita waxainchi xeinaeinchi icha pepon.

<sup>52</sup> Poxonae trompeta matawan asiya obina xua poxonae Nacom daxita wetsina, bapoxonae Nacom jemeicha nainya asu exanaena pomonae pewerapaewi pomonae pejume cowantsiwixae Cristo. Baxua nainya exanaena icha be pocotsi jeta coyeneya ichi poxonae jiton nainya naichaquetabiya necotaba. Pewerapaewi asu exanaeinchi xua equeicha bapana jopa peweraweracaenexa tsane. Bapoxonae waxainchi pomonaetsi cataunxuae jinompatsi nainya icha pena pepon xeinaeinchi.

<sup>53</sup> Wapepon po pepon tsorobo weya naexana bewa naexanaena icha pepon xua jopa weraweraca exanaetsi. Wapepon xua itacupatsi xua pewerapaewa, bewa pepon naexanaena po pepon xua jopa werapaeyo.

<sup>54-55</sup> Wapepon xua weraweracaena Nacom equeicha asu exanaena pena pepon po pepon jopa weraweracae tsane. Poxonae baxua exanaena jopa weraweracaeyo. Yawa barapo pepon itacupatsi xua werapa ichitha barapo pepon naexanaena po pepon xua jopa werapaeyo. Bapoxonae baxua nayabara jume cui weta xua exana pocotsiwa bayatha Nacom Pejume Diwesitha tsiwanae yabara muxu duta. Nacom Pejume Diwesitha jeye: “Poxonae Nacom pena pepon cana exanaena piamonae, bapoxonae Nacom amanayabina pontha pon jiwi tupa

peexanaein”, jei Nacom Pejume Diwesitha.

<sup>56</sup> Pocotsiwa xua naca amanayaba, apara xua wawerapaewa abeya waexanaexae. Pomonae exanaetha pocotsiwa Moisés pia peitorobi coyenewatha itoroba, barapomonae awiya werapa poxoru barapomonae awiya abe peexanaexae.

<sup>57</sup> Paxan pajan Nacomtha: “Nacom, maisa pajantũ coyene weiweinã xua pata tanecatsiwam jinya neayapusũ itorobi coyenewa pata amanayabinexa abe peexanae cuiru coyenein. Barapo coyene pana catame xua poxonaẽ Jesu-cristo pon pata Necanamataxeinaein naetotha pata tana tsitũpaexae”, pajan.

<sup>58</sup> Tamonae pam, paxam pomonae tapaca caantobe jiwichĩ pam. Painya neamanayabixae abe painya neexanae cuiru coyenein, pana najantũ ayapusũ exande Nacomtha. Painya xoba payabara cui copatame xua bara ichamonae paca cana exanaena xua icha coyeneya painya neexanaewa tsane. Ataya beta panacuita dubenanaebiyama Nacom nexa. Tsipei paxam payaputaneme po penacuichiwa Nacom pata tanacuita dubenanaebiyame, bara Nacom tsita xanepanatsi.

## 16

*Meje xua Pablo paratixi yabara paeba po paratixi jiwi catsiba ichamonaetha pomonaetha pomonae pejume cowantsiwi Nacom*

<sup>1</sup> Yabara paca tsipaebatsi paratixi po paratixi penacaetutsimonae jehebapona ichamonae nexa pomonae pejume cowantsiwi Nacom. Paexande

icha pomonae penacaetutsi jiwimonae ichi xua exana pocotsiwa itoroban pomonae Galacia nacuamonaepiwi.

<sup>2</sup> Daxita domingo wun maticabintha paxam daxita barompaya painya paratixi pajiwana wetsabiya pajejebaponaename pocotsi matoma pana busi matoma xeineibame. Pomonae pin matoman nabusi matoma xeineiba bewa ainya paratixi jejebaponaena. Pomonae tsiqui matomaxi nabusi matoma xeineiba bewa cae paratixi jejebaponaena. Abun paratixi pajebare xua jopa painya neexanaewa tsane baraxua xua poxonae equeicha patopaein.

<sup>3</sup> Poxonae patopaein bapoxonae paitapetsiname pebiwi po pebiwi pecaponaenexa carta. Barapo pebiwi Jerusalén tomara beya caitorobin carta. Barapomonae carta caponaena yawa muxuna caponaena paratixi po paratixi pajejebaponaename Jerusalén tomarapiwi nexa pomonae pejume cowantsiwi Nacom.

<sup>4</sup> Icha nanta xeinaein xua yapu wunaein paratixi penawichixae metha moya bara ponaetsipan Jerusalén tomara beya. Bapoxonae barapomonae nepuna ponaena.

*Meje xua Pablo yabara nanta xeina, xua perarapaewa tsane*

<sup>5</sup> Poxonae ponaein, bewa Macedonia nacua iyan tsane. Bapoxonae cotacaya paca siwa ponaeinchi Corinto tomaratha.

<sup>6</sup> Metha beya paca barun ecaetsipatsi be caentacabiyobetha. Ichacuitha metha poxonae awabo paca barun ecaetsipatsi. Bapoxonae poxonae weta

xua awubo, paca itacupa xua pata neyawenaewam pocotsiwa nantawenonan poxonae warapaein icha tomara beya.

<sup>7</sup> Jopa ichipaeinyo xua saya bara caetotha tapaca siwa ponaewatsi. Jame ichichipan xua be pecono daepayobe tapaca baru ecaewatsi tsainchi poxonae patopaein. Baxua exanaein icha Nacom baxua inta copatsina.

<sup>8</sup> Ecan xote Efeso tomaratha beya poxonae maticabi jopaena po maticabi pewan Pentecostés. Barapo maticabi po maticabi jiwi yabara jantanaina xua poxonae matha Nacom pia Pejumo pe tuxu tatsi patopa penacaetutsi jiwitha pomonaetha pomona pejume cowantsiwi.

<sup>9</sup> Anoxuae neitacupa xua bichocono tatanacuichiwa Nacom xua jiwi pinmonae pejume cowantsinexa barapo tomaratha. Ichitha ayei jiwi ichichipa abe necana exana xua jopa taexanaenexa tsane.

<sup>10</sup> Icha Timoteo patopaena painya xantha, pantenta weyataema xua bapon jantema pepopon-aenexa painya xantha. Baxua pata exande poru bapon exana pocotsiwa Nacom ichichipa, icha xan ichin xua exanan pocotsiwa Nacom ichichipa.

<sup>11</sup> Daxita paxam jopa payabara jande: “Apara bapon Timoteo pewowin, jopa apara peyaputaen”, jopa payabara jande. Jame maisa bapon payawende xua equeicha jantema caewa peponaenexa taxainya berena. Baxua paexande tsipei xan iru ichamonae pomona iru pejume cowantsiwixae Jesucristo, panabaru wanae ewatan bapon xua Timoteo paewatan.

<sup>12</sup> Apolos pon iru pejume cowuntsin matowa tsi-paeban xua painya nepaca cataenexa xua bapon pecueyabinexa tsainchi ichamonaе pomonaе iru pejume cowuntsiwixae Jesucristo. Ichitha bapon nanta xeina xua anoxuae jopa yapu jupaetsi xua peponaewa tsane xua painya nepaca siwa pon-aewa. Bapon ponaena ichitha poxonaе tayapu jupaeinchi.

*Meje poxonaе Pablo najume wetsiya paeba*

<sup>13</sup> Dota pam, pomonaе xua abe pacata exana. Beta paajuntusuya pajume cowanta dubenanae-biyama. Paexana dubenanaebiyama icha pebiwi ichi xua jopa cunuwiya exana dubenanaebiyayo xua beta peexanaewa.

<sup>14</sup> Daxita pocotsiwan xua paexaneibame, pean-tobe coyenyatha paexaneibare ichamonaetha.

<sup>15</sup> Tamonaе pam, paxam pomonaе iru painya nejume cowuntsiwixae Jesucristo. Paxam payaputaneme xua Estefanas piamonaе tatsi copiya jume cowanta Jesucristo Acaya nacuatha. Barapomonaе bichocono yawena ichamonaetha pomonaetha pomonaе iru pejume cowuntsi jiwi Nacom.

<sup>16</sup> Paca tsipaebatsi xua paxam xuya paexana dubenanaebiyama pocotsiwan barapomonaе paca itoroba. Pabaruru nacuire barapomonaе xuano ichamonaе iru pabaruru nacuitame pomonaе jupaeya exana icha barapomonaе ichi.

<sup>17</sup> Maisa bichocono juntu coyene weiweinan xua Estefanas iru Fortunato iru Acaico xote pate. Barapomonaе inta exana pocotsiwa jopa paca

itac̄paeyo xua painta exaname xua jopa xote tapaca bar̄u ecaexaetsi.

<sup>18</sup> Barapomonaē nejan̄t̄u cui coyene tsacaba exana xua xaniwaicha tapoponaenexa Nacom nexa. Barichi ir̄u baxua pacata exana. Beta paweyataename barapocotsi jiwimonaē.

<sup>19</sup> Pomonaē penacaetutsimonaepiwi, pomonaē pejume cow̄antsiwi Nacom, pomonaē Asia nacuatha jinompa, barapomonaē paca jacobā. Aquila ir̄u piowa tatsi Prisca, ir̄u pomonaē petanacaetutsi dubenanaebiyae jiwichi pia botha tatsi, barapomonaē bichocono paca jacobā peantobe jiwixae xua peantobexaetsi pon jiwī Pecanamataxeinaein.

<sup>20</sup> Daxita pomonaē pejume cow̄antsiwixae Cristo pomonaē xote jinompe daxita paca jacobā. Betiya painta nantiya pana najacobare painya neantobewaxae Cristo.

<sup>21</sup> Xan Pablon pacata tinatsi po diwesiyo xua cotacaya opi ducua. Yatsicaya tacoutha tacobe couya pacata tinatsi tapaca jacobinexatsi.

<sup>22</sup> Icha ich̄n jopa Jesucristo antobetsi pon jiwī Pecanamataxeinaein barab̄u Nacom itawetsina pexainya weya, xua bapon be pon abe peexanaē jiton tsane. ¡Xam ponxaem Pata Necanamataxeinaem nainya antha patopare!

<sup>23</sup> Barab̄u Jesucristo pon jiwī Pecanamataxeinaein paca yawenaena pia paca nepaca caantobewaxae xua xanepanaya painya nejinompaenexa.

<sup>24</sup> Daxita paxam pacata itorobatsi po coyene xua tapaca caantobe coyenewatsi taantobewaxae Cristo Jesús.

1 CORINTIOS 16:24

civ

1 CORINTIOS 16:24

**Baja Pablo.**



**Nacom Pejume Diwesi po diwesi pena jume  
diwesi xua Jesucristo yabara tinatsi  
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Cuiba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
e9c4c3a0-6dec-54a4-aaba-fb395e5eddc7